

Naqqiut

Ilanngussamut 1-imut siunnersuummi 9. august 2016-imeersumut taartaasoq
(*iluarsiisoqarpoq kalaallisuvvani ilanngussami 1-imi. Imaasa allassimaffiat suliarineqarpoq.
Tamatumalu saniatigut iluarsiissuteqartoqarluni paragraffinut innersuussinerni aamma kisitsisini
ilanngussamiittumi*)

Ilanngussaq 1

missingiut 16. juni 2016

Kalaallit Nunaanni sullivinni avatangiisit pillugit inatsisip aamma sulisilluni ajoqusersinnaanermut
isumannaarineq pillugu inatsisip allanngortinneqarnissaat pillugu inatsisissatut

siunnersuut

(Aatsitassanik ikummatissanillu kiisalu erngup nukinganik ingerlatanik il.il. nakkutilliinermut
akiliutit kiisalu sulisilluni ajoqusernerit aamma inuussutissarsiornermit nappaatigilikkat pillugit
paasissutissanik katersineq ingerlatitseqqinnerlu)

§ 1

Kalaallit Nunaanni sullivinni avatangiisit pillugit inatsimmi, tak. Inatsisitut nalunaarut nr., 1048, 26.
oktober 2005-imeersumi, inatsit nr. 1382, 23. december 2012-imeersukkut allanngortinneqartumi,
tulliuttut allannguutigineqarput:

1. § 13-ip kingorna ilanngunneqassaaq:

”§ 13 a. Sakkortuumik pileraannaasumillu aammalu pinngitsoorneqarsinnaanngitsumik
aarlerinartorsiortoqarnerani sulisup suliffimminik qimatsinissaq pisinnaatitaaffigaa.

Imm. 2. Sulisup imminut atugassarititaasut ajornerulersinneqarnerannik nalaataqartitaassanngilaq,
sulisup suliffini imaluunniit piffik ulorianartoq imm. 1 malillugu qimatsinera pissutigalugu.

Imm. 3. Sulisut, imm. 1 aamma 2 malillugit pisinnaatitaaffimminnik unioqqutitsiffiusut,
taarsiiffigitinnissamut pisinnaatitaaffeqarput.”

2. § 39, imm. 1, nr. 4, imatut oqaasertalerneqassaaq:

”4) isumannaallisaaneq pillugu paasisutissat allattorsimaffii, teknikkikkut paasisutissat allattorsimaffii assigisaallu pilersuisuneersut kiisalu sullivinnik atuineq pillugu ilitsersuutit sulisitsisuneersut.”

3. § 39, imm. 4-mi ”Sullivinnik nakkutilliisoqarfiup aalajangersassavai”

allangortinneqassaaq: ”Suliassaqartitsinermut ministerip aalajangersarsinnaavai”.

4. § 39-imi imm. 5 aamma 6-itut ilanngunneqassapput:

”Imm. 5. Akuutissat imaluunniit atortussat, isumannaallisaanermut peqqissutsimulluunniit ulorianarsinnaasut, imaluunniit taakkuninnga ajornerulersitsisinnaasut, akuutissanik imaluunniit atortussanik ulorianangitsunik, uloriananginnerusunik imaluunniit annikinnerusumik ajoqutaasunik taarserneqarsinnaappata atorneqaqqusaannginnerat pillugu maleruagassanik suliassaqartitsinermut ministeri aalajangersaasinnaavoq.

Imm. 6. Akuutissat atortussallu, isumannaallisaanermut peqqissutsimullu ulorianarsinnaasut, imaluunniit taakkuninnga ajornerulersitsisinnaasut, Sullivinnik Nakkutilliisoqarfik oqaaseqaateqartinnagu imaluunniit akuersissuteqartinnagu siunertanut aalajangersimasunut atorneqaqqusaannginnerat pillugu maleruagassanik suliassaqartitsinermut ministeri aalajangersaasinnaavoq.”

5. § 49, imm. 1-imi ”Kalaallit Nunaanni Namminersornerullutik Oqartussat”

allangortinneqassaaq: ”Kalaallit Nunaanni Namminersorlutik Oqartussat”-nngorlugu.

6. § 51, imm. 1, nr. 2-mi ”Perorsaasut Ilinniarsimasut Peqatigiiffiannit (PIP)”

allangortinneqassaaq: ”Nunatsinni Perorsaasut Kattuffiannit (N.P.K.)”-nngorlugu.

7. § 57 a-p kingorna ilanngunneqassaaq:

”§ 57 b. Aatsitassat pillugit ingerlatallu tamatumunnga pingaarutillit pillugit Inatsisartut inatsisaat imaluunniit erngup nukingata innaallagssiornermut atorneqartarnera pillugu Inatsisartut inatsisaat malillugit pisinnaatitaasut, allallu akuersissutaateqartut, akiliummik akiliuteqartarnissaat pillugu maleruagassanik suliassaqartitsinermut ministeri aalajangersaasinnaavoq. Sullifinnik Nakkutilliisoqarfiup nakkutilliinermini kiisalu akuersissuteqarfiusup iluani ingerlatat pillugit oqartussatut sullissinermini aningaasartuutai akiliutitigut matussuserneqassapput, taamaattoq tak. imm. 3.

Imm. 2. Sullivinnik Nakkutilliisoqarfiup nakkutilliinermut atatillugu angalanernut, oqalutsimut, nutserinerneq kiisalu nerisanut najugaqarnermullu aningaasartuutaat pisinnaatitaasut allallu, imm. 1-imut ilaasut akilissavaat.

Imm. 3. Misissueqqaarnernut, ilisimatuussutsikkut misissuineranut kiisalu atorluaanissamut pilersaarut Naalakkersuisunit akuerineqartoq tikillugu misissueqqissaarnernut imm. 1 aamma 2 malillugit nakkutilliinermut akiliuteqarnissamut piumasaqaat atuutinngilaq.

Imm.4. Imm. 2 malillugu akiliutinik akileeqqusineq pillugu maleruagassanik suliassaqartitsinermut ministeri aalajangersaasinnaavoq.”

8. § 58-ip kingorna ilanngunneqassaaq:

”§ 58 a. Sulisilluni ajoqusernerit nalunaarutiginerannut nalunaaruteqartarfimmi paasissutissat aamma sulisilluni ajutoornerit inuussutissarsiornermillu nappaatigilikkat pillugit Arbejdsmarkedets Erhvervssikringip paasissutissatigut tunngavii Sullivinnik Nakkutilliisoqarfiup pisariaqartillugu katersorsinnaavai ataatsimoortillugillu. Sullivinnik Nakkutilliisoqarfiup nakkutilliinerata misissuisarneratalu siunnerfilernissaanut atugassatut suliffeqarfiit kinaassusersinissaannut nakkutilliinissaq nalunaarsukkallu ataatsimoortinnissaat siunertaralugu paasissutissat katersorneqassapput. Aammattaaq nalilersueqqissaarnermut pitsaaliuinernullu siunertanut kiisalu naatsorsueqqissaarnermik siunertanut suliarinninnermut nalunaarsukkallu ataatsimoortinnerannut paasissutissat katersorneqassapput.”

§ 2

Kalaallit Nunaanni sulisilluni ajoqusersinnaanermut isumannaarineq pillugu inatsit nr. 1528, 21. december 2010-meersumi, inatsit nr. 1568, 15. december 2015-imeersukkut aamma inatsit nr. 627. 8. juni 2016-imeersukkut allanngortinneqartumi, tulliuttut allannguutigineqassapput:

1. § 42-p kingorna ilanngunneqassaaq:

”§ 42 a. Arbejdsmarkedets Erhvervssikringip sulisilluni ajoqusernerit nalunaarutiginnissaannut nalunaaruteqartarfimmi paasissutissat kiisalu sulisilluni ajoqusernerit inuussutissarsiutinillu nappaatigilikkat pillugit tunngaviusumik paasissutissat pisariaqartinneqartut Sullivinnik Nakkutilliisoqarfimmut tunniutissavai. Sullivinnik Nakkutilliisoqarfiup nakkutilliinerata misissuisarneratalu siunnerfilernissaanut atugassatut suliffeqarfiit kinaassusersinissaannut nakkutilliinissaq nalunaarsukkallu ataatsimoortinnissaat siunertaralugu paasissutissat katersorneqassapput. Aammattaaq nalilersueqqissaarnermut pitsaaliuinernullu siunertanut kiisalu naatsorsueqqissaarnermik siunertanut suliarinninnermut nalunaarsukkallu ataatsimoortinnerannut paasissutissat katersorneqassapput.”

§ 3

Inatsit ulloq 1. juli 2017 atuutilissaaq.

Inatsisissatut siunnersuummut oqaaseqaatit

Oqaaseqaatit nalinginnaasut

Imai

Imai

1. Aallaqqaasiut.....	4
2. Tunuliaqut	6
3. Inatsisissatut siunnersuutip imai.....	9
3.1. Aatsitassanik ikummatissanillu kiisalu erngup nukinganik ingerlatanut atatillugu Sullivinnik Nakkutilliisoqarfiup nakkutilliinermut il.il. akiliuteqaaqqusisinnaaneranut inatsisitigut tunngavik.....	9
3.1.1. Inatsisitatuuuttut.....	10
3.1.2. Eqqarsaatit aaqqissuussinerlu siunnersuutigineqartoq.....	10
3.2. Sakkortuumik pileriaannaasumillu aammalu pinngitsoorneqarsinnaanngitsumik aarlerinartorsiortoqarnerani suliffimmik qimatsinissamut pisinnaatitaaffik	13
3.2.1. Inatsisit atuuttut	13
3.2.2. Eqqarsaatit aaqqissuussinerlu siunnersuutigineqartoq.....	13
3.3. Akuutissat atortussallu pillugit aalajangersakkanik naleqqussaaneq	15
3.3.1. Inatsisit atuuttut.....	15
3.3.2. Eqqarsaatit aaqqissuussinerlu siunnersuutigineqartoq.....	16
3.4. Akuutissanik atortussanillu ulorianartunik atuinermi oqaaseqaateqarnissamut imaluunniit akuersissuteqarnissamut piginnaatitaanermut aalajangersagaq.....	17
3.4.1. Inatsisit atuuttut.....	16
3.4.2. Eqqarsaatit aaqqissuussinerlu siunnersuutigineqartoq	17
3.5. Sullivinni ajoqusernerit pillugit paasissutissanik Arbejdsmarkedets Erhvervssikringimiit Kalaallit Nunaanni Sullivinnik Nakkutissiisoqarfimmuut ingerlatitseqqinneq.....	18
3.5.1. Inatsisit atuuttut	18
3.5.2. Eqqarsaatit aaqqissuussinerlu siunnersuutigineqartoq	19
4. Pisortanut aningaasaqarnikkut allaffissornikkullu kinguneri	21
5. Inuussutissarsiortunut il.il. aningaasaqarnikkut allaffissornikkullu kinguneri	21
6. Innuttaasunut allaffissornikkut kinguneri	23
7. Avatangiisinut kinguneri	23
8. EU-mi inatsisinut pissutsit	23
9. Oqartussat suleqatigiiffiillu il.il. tusarniaaffigineqartut	23
10. Immersugaq eqikkaaffik	23

1. Aallaqqaasiut

Suliniutit, ilaatigut erngup nukinganik, aatsitassanik soorlu saviminissatut, zinkitut, kuultitut, rubinitut, safiritut il.il. ittunik atorluanerut ittut, ilanngullugit suliniutit angisuut, amerlanerusut siunissami piviusunnigortinneqarumaarnerat Namminersorlutik Oqartussat naatsorsuutigaat.

Suliniutini taamatut ittuni Sullivinnik Nakkutilliisoqarfik oqartussatut sullivinni avatangiisnik nakkutilliisussaavoq. Tamanna nakkutilliinermik suliaqarnerulernermik taamaasillunilu Sullivinnik Nakkutilliisoqarfiup aningaasartuuteqarnerulerneranik kinguneqassaaq.

Suliniutinik taamatut ittunik nakkutilliinermi unammilligassaq pingaaruteqartoq tassaavoq, illoqarfinni nunaqarfinnilu inuiaqatigiit avataanni, attaveqaatinullu aqqusinertut umiarsualivittullu ittunut pioreersunut attuumassuteqaratik asimi inissisimagajuttarnerat. Tamanna isumaqarpoq suliniutinik pilersitsinermut atatillugu nalinginnaasumik aamma aqqusinniortoqartariaqartarnera umiarsualiviliortoqartariaqarneralu, pingaartunik aatsitassarsiorluni aatsitassanik piaanermi atugassanik.

Tamatuma saniatigut Kalaallit Nunaanni aatsitassarsiornermik erngullu nukinganik suliniutit unammilligassanik sullivinni avatangiisinut tunngasunik amerlaqisunik kinguneqartarput.

Ingerlatanik aatsitassanut erngullu nukinganut tunngasunik nakkutilliinerup danskit naalagaaffiannut sapinngisamik aningaasartuutaannginnissaa naalakkersuisut kissaatigaat.

Suliffeqarfinnik allanik nakkutilliineq minnerulersinnagu Kalaallit Nunaanni aatsitassanik erngullu nukinganik ingerlatanik, ilanngullugit suliniutinik angisuunik Sullivinnik Nakkutilliisoqarfiup nakkutilliinera pissasoq naalakkersuisut peqatigisaanik kissaatigaat.

Taamaattumik aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-meersoq (kingorna aatsitassat pillugit inatsimmik taagorneqartoq) aamma Erngup nukingata innaallagssiornermut atorneqartarnera pillugu Inatsisartut inatsisaat nr. 11, 8. juni 2014-imeersoq (kingorna erngup nukinga pillugu inatsimmik taagorneqartoq) malillugit pisinnaatitaasut, allallu misissueqqaarnermut, misissueqqissaarnermut piiaanermullu akuerineqarsimasut, sullivinni avatangiisnik nakkutilliinermut atatillugu Sullivinnik Nakkutilliisoqarfiup nakkutilliineranut allaffissornikkullu ingerlatsineranut matussutissanik akiliuteqartassasut siunnersuutigineqarpoq.

Akiliutit Namminersorneq pillugu inatsimmi § 7-imi isertitatut pissuseqanngimmat oqaatigineqassaaq. Taamaattumik isertitat danskit naalagaaffiannut nakkartinneqassapput Namminersorlutik Oqartussanut pinnatik.

Aammattaq Sullivinnik Nakkutilliisoqarfiup ingerlatanik pineqartunik nakkutilliinermut atatillugu Nuummumt Nuummiillu angalanermut, tuluit kalaallillu oqaasii pinnagit pisariaqartitamik oqalutseqarnermut nutserinermullu, kiisalu nerisaqarnermut najugaqarnermullu piviusumik aningaasartuutaanik pisinnaatitaasut

utertitsisarnissaat ilanngullugu siunnersuutigineqarpoq.

Misissueqqaarnernut, ilisimatuussutsikkut misissuineranut kiisalu atorluanaanissamut pilersaarut Naalakkersuisunit akuerineqartoq tikillugu misissueqqissaarnernut nakkutilliinermut akiliuteqartoqassanngitsoq pigiusumillu aningaasartuutinik utertitsisoqassanngitsoq ilanngullugu siunnersuutigineqarpoq. Piginneqatigiiffiit aatsitassarsiornermik aamma uuliasiornermik ingerlatsisut allallu Kalaallit Nunaanni aningaasaliissuteqarnissamut soqutiginnilersinnissaat attanniaannarnissaallu ilaatigut mianeriniarneqarpoq.

Nakkutilliinermut il.il. akiliuteqarnerup saniatigut allannguutit tulliuuttut siunnersuutigineqarput:

- Aarlerinartoqalersillugu sulisut suliaminnik qimatsisinnaanernut inatsisitigut tunngavissaqalerneq. Tamanna pillugu aalajangersagaq aatsitassarsiorfinni isumannaallisaaneq peqqissuserlu pillugu ILO-p isumaqatigiissutaa nr. 176-imut (kingorna ILO-p aatsitassarsiorneq pillugu isumaqatigiissutaanik taagorneqartumut) ilaavoq, taamaasillunilu Namminersorlutik Oqartussat kissaatigalugu oqaatigisimasaattut isumaqatigiissutip Kalaallit Nunaannut atuutsinneqalernissaanut piumasaqaataalluni. Pisinnaatitaaffik tamanna unioqutinneqarpat, Danmarkimisut ililluni sulisut taarsiiffigitinneqarsinnaanissaat ilanngullugu siunnersuutigineqarpoq.
- Akuutissanik atortussanillu atuneq pillugu, ilaatigut ilanngullugu akuutissat atortussallu ulorianartut taarserneqarnissaannik piumasaqaatit pillugit maleruagassanik suliassaqartitsinermut ministerip aalajangersaasinnaanerata erseqqissaatiginera.
- Allannguut, assersuutigalugu piiaanermik suliniutinut aggersunut atatillugu tamatumunnga pisariaqartitsisoqalissappat, akuutissanik atortussanillu ulorianartunik atuinerup Sullivinnik Nakkutilliisoqarfimmit akuersissutigineqartussaanaera pillugu maleruagassanik aalajangersaasinnaanermik qulakkeerinnittoq.
- Sulisilluni ajoqusernerit pillugit paasissutissanik Arbejdsmarkedets Erhvervssikringip Kalaallit Nunaanni Sullivinnik Nakkutilliisoqarfimmut ingerlatitseqqissinnaaneranut inatsisitigut tunngavissaq.
- Naggataagullu allaannguutit ataasiakkaat torersuutitsinissamut tunngasut siunnersuutigineqarput.

2. Tunuliaqut

Kalaallit Nunaanni sullivinni avatangiisit pillugit inatsit (kingorna sullivinni avatangiisit pillugit inatsimmik taagorneqartoq) kingullermik inatsit nr. 1382, 23. december 2012-meersukkut allanngortinneqarpoq. Kalaallit Nunaanni Namminersorlutik Oqartussat aatsitassanik ikummatissanillu suliassaqarfik kiisalu sullivinni avatangiisinik suliassaqarfimmi Kalaallit Nunaata imartaani kiisalu Kalaallit Nunaata eqqaani nunaviup toqqammaviani imaani sanaartukkanut tunngasut 1. januar 2010-mi atuutilersumik tiguaat. Taamaattumik sullivinni avatangiisit pillugit inatsit imaani sanaartukkani sulineranut atuutinngilaq.

Kalaallit Nunaanni Namminersorlutik Oqartussat aatsitassanut ikummatissanullu inatsit imaluunniit erngup nukinga pillugu inatsit malillugit aatsitassanik ikummatissanillu misissueqqaarnernut, misissuineranut atorluaanermullu kiisalu imeq atorlugu nukissiuteqalernissamut akuersissuteqarsinnaapput.

Aatsitassanut ikummatissanullu inatsimmi § 2-mi takuneqarsinnaavoq Kalaallit Nunaanni aatsitassanik

atuinissamut aamma nunap iluani pisuussutunik atuinissamut Kalaallit Nunaanni Namminersorlutik Oqartussaasat pisinnittussaasut.

Aammattaaq aatsitassanut ikummatissanullu inatsimmi § 2, imm. 2-p malitsigisaanik, ingerlatat tulliuttut Kalaallit Nunaanni Namminersorlutik Oqartussat akuersissuteqareernerisigut aatsaat ingerlanneqarsinnaapput:

- 1) Kalaallit Nunaanni aatsitassat pillugit misissueqqaarnerit, misissuinerit paaanerillu kiisalu aatsitassanik Kalaallit Nunaannit aallarussinerit.
- 2) Nunap iluata toqqorsivittut atorreqarnera imaluunniit aatsitassanik sammisaqarnermi siunertanut atorreqarnera.
- 3) Ingerlatanut inatsisartut inatsisaannut ilaasunut imermit, anorimit, nunap iluanit nukissiornermik atorluaaneq.
- 4) Inatsisartut inatsisaannut ilaasunik sammisaqarnermi ruujorikkut aqutunik sanaartorneq ingerlatsinerlu.

Taamaattoq Kalaallit Nunaanni Namminersorlutik Oqartussat, De Nationale Geologiske Undersøgelser for Danmark og Grønland (GEUS) kiisalu Nationalt Center for Miljø og Energi (DCE) ingerlatanik aalajangersimasunik suliaqarsinnaapput akuersissuteqanngikkaluarlutik, tak. aatsitassanut ikummatissanullu inatsimmi § 2, imm. 3 aamma 4.

Tamatuma saniatigut Kalaallit Nunaanni Namminersorlutik Oqartussat erngup nukinga pillugu inatsit malillugu erngup nukingata innaallagissiornermut atorreqarnissaanut misissueqqaarnissamut atorluaanissamullu akuersissuteqarsinnaapput. Inatsit taamaallaat erngup nukinganik 1 megawatt (MW) qaangerlugu nukissiorsinnaasutut nalilerneqartunut atorreqassaaq.

Aatsitassat ikummatissallu inatsit aamma erngup nukinga pillugu inatsit malillugu akuersissutit piffinnut killilikkanut tunniunneqartarput. Akuersissuteqarnissamut piumasaqaatit aalajangersimasutigut atunnginnissaannut aatsitassanut ikummatissanullu inatsit aalajangersaqartaqarpoq. Assersuutigalugu inuk najugaqavissoq akuersissummik peqarani aatsitassanik nunap qaavaniiginnartunik katersisinnaavoq paaasinnaallunilu, aatsitassat katillugit ukiumut 100.000 kr. sinnerlugit naleqanngippata, ikiuutaasinnaasunillu atuilluni katersisoqanngippat.

Kalaallit Nunaanni nunami suliffinni avatangiisinut atatillugu Sullivinnik Nakkutilliisoqarfik nakkutilliinermut oqartussaasuvoq.

Aatsitassanut Ikummatissanullu Pisortaqarfiup (maanna Aatsitassanut Ikummatissanullu Aqutsisoqarfiup) aamma Sullivinnik Nakkutilliisoqarfiup akornanni 2007-imi suleqatigiinnissamut isumaqatigiissuteqartoqarpoq, aatsitassanik ikummatissanillu suliaqarfimmi nakkutilliinerup ataqatigiissaarnissaa, pitsanngorsarnissaa kiisalu nukittorsaaaviginissaa sallertut siunertaralugu. Aammattaaq ataatsimoorluni nakkutilliartorsinnaaneq suleqatigiinnikkut periarfissaalerpoq. Nalunami kuultisiorfimmut 2012-imi marloriarluni 2013-imi pingasoriarluni ataatsimoorluni nakkutilliartorerit piviusunngortinneqarput.

Piffissamat 2014-2018-imut Kalaallit Nunaata uuliamut aatsitassanullu periusissiaani immikkoortoq 5.10 malillugu – Naalackersuisut ukiuni tallimani tulliuuttuni aatsitassanik atorluaanissamat akuersissutinik pingasuniit tallimanut tunniussinissaq anguniagaraat. Periusissiaq malillugu taakkununga ilaasinnaasut ukuupput:

- Isukasiani suliniut, Nuup avannamut kangiani suliniut angisooq.
- Rubineqarfimmik suliniut, Qeqertarsuatsiaat, Kuannersuit kujataani. (OBS: Nuup kujataani)
- Killavaat Alannguat/Kujataani.
- Kujataani Narsap eqqaani Kuannersuit.
- Avannaani Citronen Fjordimi suliniut.
- Kitaani White Mountainimi Anorthositimik suliniut.

Isukasiani Kuannersuarnilu suliniutit angisuut kiisalu Citronen Fjordimi White Mountainimilu suliniutit marluk minnerusut ataani naatsumik nassuarneqassapput.

Aatsitassanik Suliassaqarfimmi Nassuiaat 2013-imeersumi Naalackersuisut saqqummiussaanni, kingorna ”Aatsitassanut nassuiaat 2013”-imik taagorneqartumi Isukasiani saviminissarsiorfimmik suliniut pillugu tulliuuttoq atuarneqarsinnaavoq:

”London Mining Greenland A/S paaanissamat qinnuteqaatini 2012-imi tunniuppaa. Tamatuma kingorn tamanut ammasumik ingerlatassaq tusarniaalluni aamma tamanut ammasumik innuttaasunik ataatsimiititsinerit ingerlanneqarnerisut ingerlanneqarpoq. Ingerlatseqatigiiffiup qinnuteqaataa – tusarniaanermut akissuteqaatit tiguneqartut ilanngullugit – tamatuma kingorna oqartussaasuni atuumassuteqartunit suliarineqarpoq. Aatsitassarsiorfeqalissappat ukiumut saffiugassaq akuiariigaq 15 millioner tonsigajalluinaq tunisassiarineqarsinnaassaaq. Suliassaq pilersinneqassappat naatsorsuutigineqarpoq, sanaartornermut immikkoortumi sulisut 3.000-nit amerlanerussasut (peak-it amerlasusaat). Aatsitassarsiorfimmi suliassaq piviusunngorpat aammalu sanaartornermut immikkoortumit ingerlatsinermut immikkoortorpiamut ikaarsaarluni, ingerlatseqatigiiffiup naatsorsuutigaa aatsitassarsiorfimmi inuit 680-niit 810-inut suliffisaqartinneqassasut.” Naalackersuisut 2013-imi atorluaanissamat akuersissuteqarput. Kingorna suliniut piginneqatigiiffimmut allamat tunineqarpoq, taassumali suliniummut aningaasaliissutissat pissarsiarisinnaasimangilai.

Kuannersuarni suliniut, autraliamiut piginneqatigiiffiata Greenland Mineral and Energy Ltd.-p aatsitassanik qaqtigoortunik uranimillu misissuerannik ilaqartoq pillugu ”Aatsitassanut nassuiaat 2013”-imi Naalackersuisunit saqqummiunneqartumi ilaatigut atuarneqarsinnaavoq:

”Maannakkorpiaq ingerlatseqatigiiffiup paaanissamat qinnuteqaat suliarileruttorpaa. Greenland Mineral and Energy Ltd. Ukiut arlallit ingerlaneranni misissuinermik ingerlataqartarsimavoq aammalu nunaqavissunik sulisoqartarsimallui aamma suliffeqarfimmi kalaallit pigineqartunik atuisimalluni. Kalaallit siulittaasuusussat ilinniartitaanissaannut pisussaanut pilersaarsummik pilersitsisoqarsimasoq. Tamatuma saniatigut ingerlatseqatigiiffik assigiinngitsutigut Narsami aammalu naunaqarfimmi qanittumiittuni aamma savaateqarfimmi ersarissuuvoq, tassami suliassap ilusilersorneqarnissaata ilaa pillugu innuttaasut oqaloqatigisimavaat. Sulisussat nunaqavissut aatsitassarsiorfimmi aammalu sanaartornerup ingerlanerani atorfinitsinneqarsinnaassapput. Kisiannili naatsorsuutigineqartariaqarpoq sanaartornermut immikkoortumi aamma ingerlatsinermut immikkoortumi tikisitanik sulisoqarnissaq pisariaqartinneqassasoq, tassami

suliereqqiinermi suliap ingerlanerisa ilai aalajangersimasut inunnik immikkut piginnaasaqartunik sulisoqartinneqartariaqarmata. Aatsitassarsiorfimmi taassumalu suliereqqiisarfianni aamma sulisut isumannaatsuunissaat peqqissusaallu qulakkeerniarlugit immikkut sillimaniarmi iliuuseqarfgineqartariaqartussaapput.”

Greenland Mineral and Energy Ltd. 24. marts 2014-imi China Non-Ferrous Metal Industry's Foreign Engineering and Construction Co. Ltd.-imut Kuannersuarni aatsitassarsiorfimmik suliniut pillugu aatsitassat qaqutigootut suliarineqarnissaat pillugu pituttuisuunngitsumik suleqatigiinnissamut isumaqatigiissuteqarpoq. Suleqatigiinnissamut isumaqatigiissutip tamanut saqqummiunneqarneranut atatillugu Greenland Mineral and Energy Ltd.-ip oqaatigaa, Kuannersuarni suliniummut atatillugu urani pillugu suleqatissamik tulluurtumik suleqateqarnerup pilersinnissaa siumut isigisumik annerusumik qitiutilersaarlugu.

Naalackersuisut marts 2014-imi canadamiut True North Gem kujataani Qeqertarsuatsiaat eqqaani rubininik safirinillu atorluannissaanut akuersissuteqarfigaat. Suliniut 2014-imi aasaanerani aallartippoq, sanaartornermillu killiffimmi inunnik 40-50-inik sulisoqarluni, naatsorsuutigineqarporlu ingerlatsinermik killiffimmi inuit 80-it sulisorineqarumaartut.

Aammattaaq Naalackersuisut september 2015-imi canadamiut Hudson Resources, Anorthositimik suliniummeersut (anorthosit ilaatigut glasfiberimi atorneqartarpoq) Kitaani White Mountainimi atorluannissaannut akuersissuteqarfigaat. Sanaartornermik killiffimmi suliniutip inunnik 20-nik ingerlatsinermillu killiffimmi inunnik 60-inik sulisoqarnissaa naatsorsuutigineqarpoq.

Suliniutit taakku sisamamut ammasumik paaavittut pilersinneqarnissaat naatsorsuutigineqarpoq.

Tamatuma saniatigut suliffeqarfik Ironbark september 2015-imi Tunup avannaani Citronen Fjordimi zinkeqarfimmik aqerloqarfimmillu atorluannissamut akuerineqaqqulluni qinnuteqarpoq.

Suliniutinut angisuunut atatillugu suliffiit ima amerlatigisut pilersinneqartussaapput, sullivinni avatangiisit nakkutigineqarannut atugassarititaasut annertoqisut nuunneqarnissaat pisariaqartinneqassalluni.

Ukiuni aggersuni akuersissutit il.il. qanoq amerlatigisut tunniunneqarumaarnersut siulittuutigiuminaappoq. Naak misissueqqaarnernut, misissuineranut atorluannernullu akuersissuteqartoqartarumaartoq, qaqugukkut taakku atorluarneqarumaarnersut ilumullu aamma atorluarumaarneqarnerisut siulittuutigineqarsinnaanngilaq.

3. Inatsisisatut siunnersuutip imai

3.1. Aatsitassanik ikummatissanillu kiisalu erngup nukinganik ingerlatanut atatillugu Sullivinnik

Nakkutilliisoqarfiup nakkutilliinermut il.il. akiliuteqaqqusisinnaaneranut inatsisitigut tunngavik

3.1.1. Inatsisit atuuttut

Aatsitassanik ikummatissanillu kiisalu erngup nukinganik ingerlatanut atailugu Sullivinnik Nakkutilliisoqarfiup nakkutilliinermut il.il. akiliuteqaqqusisinnaaneranut maanna inatsisitigut tunngavissaqanngilaq.

3.1.2. Eqqarsaatit aaqqissuussinerlu siunnersuutigineqartoq

Aatsitassanik ikummatissanillu kiisalu erngup nukinganik ingerlani sulineq sulisut isumannaatsumiinnissaannut peqqissusaannullu annertuumik aarlerinartoqarneranik nalinginnaasumik kinguneqartarpoq. Taamaattumik ingerlatanik taamatut ittunik Kalaallit Nunaanni sulisorpassualinnik pilersitsineq Sullivinnik Nakkutilliisoqarfiup nakkutilliinermik sulinerata immikkut ittunik ilisimasalinnit ilaartorneqarnissaanik kinguneqassaaq, taamaasillunilu Sullivinnik Nakkutilliisoqarfik annertuunik qaavatigut aningaasartuuteqassalluni.

Oqaatigineqareersutut Kalaallit Nunaanni aatsitassanik ikummatissanillu kiisalu erngup nukinganik ingerlatani sullivinni avatangiisinik Sullivinnik Nakkutilliisoqarfiup nakkutilliinera sapinngisamik danskit naalagaaffiannut aningaasartuutaassanngitsoq naalakkersuisut kissaatigaat. Sullivinnik Nakkutilliisoqarfiup nakkutilliinermut aningaasartuutaanut akiliuteqartarnissaq aatsitassanut ikummatissanullu inatsit aamma erngup nukinga pillugu inatsit malillugu pisinnaatitaasunut allanullu piumasaqaatigigaanni, danskit naalagaaffiata toqqaannartumik aningaasartuuteqarnerunernik, aatsitassanik ikummatissanillu kiisalu erngup nukinganik suliaaqqarfinni nakkutilliinerup annertusineranut attuumassuteqartunik atuisariaqannginnera qulakkeerneqassaaq.

Kalaallit Nunaanni suliffeqarfiit sinnerinik Sullivinnik Nakkutilliisoqarfiup maanna nakkutilliinerata siunissami attatiinnarnissaa qulakkeerniarlugu, pisinnaatitaasut allallu aatsitassanut ikummatissanullu inatsit aamma erngup nukinga pillugu inatsit malillugit akuersissutaateqartut, aatsitassanik ikummatissanillu kiisalu erngup nukinganik ingerlatani Sullivinnik Nakkutilliisoqarfiup nakkutilliinermut aningaasartuutaanik akiliisarnissaat pisariaqarpoq.

Aatsitassanik ikummatissanillu kiisalu erngup nukinganik ingerlatanut atailugu Sullivinnik Nakkutilliisoqarfiup nakkutilliinermik oqartussatullu sulinermini aningaasartuutaanut Sullivinnik Nakkutilliisoqarfiup akileeqqusisinnaanera pillugu aalajangersakkamik ilanngussisoqarnissaa tamanna tunuliaqutaralugu siunnersuutigineqarpoq.

Nunaminertani aatsitassanut ikummatissanullu inatsit aamma erngup nukinga pillugu inatsit malillugu akuersissummut ilaatinneqartuni suliaqarnerit tamarmik nakkutilliinermut il.il. akiliutit pillugit aalajangersakkamut ilaatinneqarnissaat siunnersuutigineqarpoq. Tamatumani ilaatigut ilaapput sanaartornermik ingerlatsinermillu ingerlatat, ilanngullugit ingerlatat taakkununga attuumassuteqartut, assersuutigalugu nerisarfinnik ingerlatsinerit, eqqiaaneq, aamma akuersissuteqarfigisap iluani suliat

sullissinerillu assigisaat, kiisalu ingerlatsinermut namminermut atatillugu ingerlatat.

Naalackersuisut aatsitassanut ikummatissanullu inatsimmi § 19 malillugu atorluaanissamut akuersissuteqareernerisa kingorna, Sullivinnik Nakkutilliisoqarfiup nakkutilliineranut aningaasartuutit akilerneqarnissaat pineqartussaavoq. Atorluaaneq tamatumunngalu siunertaqartumik iliuitsit aallartinneqartinnagit atorluaanissamut pilersaarut akuerineqarsimasussaavoq.

Taamaalilluni atorluaanissamut pilersaarummut Naalackersuisut akuersissutaat tunisassiornerup aaqqissuunneranut kiisalu tamatumunnga sanaartukkanut tunniunneqartarmat, atorluaanissamut akuersissutip tunniunneqarneraniit naatsorsorlugu, sanaartornermik killiffimmi, ingerlatsinermik killiffimmi kiisalu matusinerup piviusunngortinnissaanut Sullivinnik Nakkutilliisoqarfiup nakkutilliinerminut atatillugu aningaasartuutini matussusertissinnaassavai.

Pisinnaatitaasup allalluunniit aatsitassanut ikummatissanut inatsit imaluunniit erngup nukinga pillugu inatsit malillugu akuersissummik peqartut Sullivinnik Nakkutilliisoqarfiup nakkutilliinerminut aningasartuutaanik akiliisassasut siunnersuutigineqarpoq.

Akiliinissamut pisussaaffimmut siunnersuutigineqartumut pisinnaatitaasut allallu aatsitassanut ikummatissanullu inatsit aamma erngup nukinga pillugu inatsit malillugu akuersissummumut atatillugu suliamik suliarinninnermut allatigullu oqartussatut suliarinninnermut aningaasartuutunik Kalaallit Nunaanni Namminersorlutik Oqartussat maannangaaq akileeqqusisartagai ilaassapput.

Suliniutinut piginneqatigiiffiit allallu sanaartornermik ingerlatanik suliniutinut angisuunut akuersissummumut ilaasunik suliaqartut, Kalaallit Nunaanni Namminersorlutik Oqartussat suliamik suliarinninnermut aamma oqartussatut allatigut suliarinninnermut aningaasartuutaannik akiliisartussaapput, ilanngullugit nutserinermut oqalutseqarnermullu aningaasartuutit, tak. suliat angisuut pillugit inatsimmi § 19.

Aatsitassanut ikummatissanullu inatsimmi § 86 malillugu assigisaa atuuppoq, tamatumani piginnaatitaasut allallu inatsimmut ilaasut suliamik suliarinninnermut kiisalu aatsitassanut ikummatissanullu inatsit malillugu oqartussatut suliarinninnermut aningaasartuutunik akiliisartussaagamik. Aatsitassanut ikummatissanullu inatsimmi § 94 malillugu aatsitassanut ikummatissanullu oqartussat aningaasartuutimik ilaasa matussusernissaannut akileeqqusinissamut periarfissaqarput.

Oqartussat suliarinninnerannut tamanut, ilanngullugit Kalaallit Nunaanni Namminersorlutik Oqartussat nakkutilliinerminut avataanillu ikiorneqarnermut aningaasartuutaasa matussusernissaannut pisinnaatitaasut akiliuteqarnissaat pillugu maleruagassanik aalajangeraanissamut erngup nukinga pillugu inatsimmi § 8-kkut inatsisitigut tunngavissaqarpoq.

Kalaallit Nunaanni Namminersorlutik Oqartussat oqaatigaat taamaallaat piffissamit pisinnaatitaasup

misissuinermit atorluaanissamut ikaarsaariarnissamut kissaateqarfigisaanit, oqartussatut sulinermut uterteqqusilluni akileeqqusisoqartartoq.

Taamaattoq Aatsitassanut Ikummatissanullu Aqutsisoqarfiup nakkutilliinera eqqarsaatigalugu, misissuinermut pisinnaatitaaffimmik piginnittup nakkutilliiartorluni angalanermut aningaasartuutit akilissavai, taamaassappallu angalaneq aaqjissuullugu. Nakkutilliinermut atatillugu nerisaqarnek najugaqarnerlu pisinnaatitaasup assigisaanik isumagissavai.

Inatsisissatut siunnersuut malillugu sullivinni avatangiisinik Sullivinnik Nakkutilliisoqarfiup nakkutilliineranut akiliinissamut piumasqaammumt aatsitassanut ikummatissanullu inatsit aamma erngup nukinga pillugu inatsit malillugu maanna akuersissutaasut siunissamilu akuersissutaasussat tamarmik ilaassapput, suliffeqarfiit danskinit, kalaallinit nunani allamiunilluunniit pigineqarnerat apequtaatinnagu. Taamaallaat nakkutilliinermik ingerlatat il.il. aalajangersakkap atuutilereernerata kingorna pisut akileeqqusissutigineqassapput.

Aatsitassanik ikummatissanillu kiisalu erngup nukinganik ingerlatani sullivinni avatangiisinik nakkutilliinermut aningaasartuutunik annertuumik Sullivinnik Nakkutilliisoqarfiup aningaasartuuteqartitaanninnissaa pingaartinneqarpoq. Kalaallit Nunaanni aatsitassanik ikummatissanillu kiisalu erngup nukinganik ingerlatat amerlanertigut piffinni avinngarusimasuni timmisartut umiarsuilluunniit atorlugit angallaffiusut avataanni kiisalu nammineerluni najugaqarfissamik toqqaaffigisinnaanngisami ingerlanneqartarput. Taamaallilluni nakkutillineq aningaasartuutit annertuumik amerlinerannik kinguneqarsinnaasassaaq.

Taamaattumik akiliutit nalunaaquttap akunneranik tunngaveqarluni aalajangersarneqassasut siunnersuutigineqarpoq, nakkutilliinermullu atatillugu aningaasartuutit tamarmik ilaassapput, ilanngullugit piareersarneq, nakkutilliiartorluni tikeraarneq taassumalu malinnaaffigeqqinnera, allatigullu oqartussasut suliasat, soorlu sullivinni avatangiisit pillugit inatsit malillugu peqqusinerit allatigullu aalajangiinerit pillugit naammagittaalliutaasinnaasunik suliaqarnek, akiliutinik akileeqqusineq nukingisaarutillu, kiisalu nakkutilliisut immikkut ittumik piginnaasaannik ineriartortitsineq. Aammattaaq Sullivinnik Nakkutilliisoqarfiup Nuummumt Nuummiillu angalaneranut, tuluttu kalaallisullu pinnagit pisariaqartitamik oqalutseqarnermut nutserinermullu, kiisalu nerisaqarnek najugaqarnerlu piginnaatitaasumit atugassiissutigineqanngippata, nerisaqarnermut najugaqarnermullu piviusumik aningaasartuutit piginnaatitaasumit akilerneqassapput. Angalaneq eqqarsaatigalugu piginnaatitaaffimmik piginnittoq taamaallaat Nuummi Sullivinnik Nakkutilliisoqarfimmiit utimullu angalanermut piviusumik aningaasartuutunik akileeqquneqassaaq. Sullivinnik Nakkutilliisoqarfiup nakkutilliiartorfimminit qaninnerusumi allanut nakkutilliiartornissaq peqatigisaanik pilersaarutigisimappagu, nakkutilliiartorneq atsikkutigisumik agguallugu taamaallaat nakkutilliiartornerup ilaanut piginnaatitaasumut tunngasumut angalanermi piviusumik aningaasartuutunik piginnaatitaasoq akileeqquneqassaaq.

Aatsitassanut Ikummatissanullu Aqutsisoqarfiup akiliutigigitai akitsuutigigitaaalu pingaarnertut imatut aalajangersarneqartarput, aatsitassarsiornermik uuliasiornermillu piginneqatigiiffiit Kalaallit Nunaanni aatsitassanik ikummatissanillu misissueqqaarnissamut atorluaanissamullu aningaasaliissuteqarnissamut pileritsatsinnissaannut attatiinnarnissaannullu periarfissat annerusumik ajornerulersinnagit.

Pissutsit tamakku mianeriniarlugit misissueqqaarnernillu il.il. aallartitsinissamut akornutaajumanani, misissueqqaarnernik aamma ilisimatuussutsikkut misissuinerik, kiisalu atorluaanissamut pilersaarummik Naalakkersuisut akuersissuteqarnissaasa tungaanut misissuinerik nakkutilliinernut akiliuteqarnissamut piumasqaatip atuutsinneqannginnissaa siunnersuutigineqarpoq. Geologiimut, geofysikimut imernut allanullu tunngasunik misissuinerit ilisimatuussutsimut attuumassuteqartut, ingerlatanut aatsitassanut ikummatissanullu inatsimmi § 2, imm. 2-mi taaneqartunut pingaaruteqartut ilisimatuussutsikkut misissuinerit ilaapput.

Aatsitassanut Ikummatissanullu inatsit malillugu Aatsitassanut Ikummatissanullu Aqutsisoqarfiup ingerlatat ilaat atorluaanissamut akuersissuteqarnissamut ilaatinngissinnaavai, soorlu ujaraqqanik, ujaqqanik atortussiassanillu assigisaannik aqqusinniormut sanaartormullu atortussanik katersineq piiaanerlu. Sullivinnik Nakkutilliisoqarfik siunnersuut malillugu pisuni taamatut ittuni nakkutilliinermut akileeqqusisinnaassanngilaq, akiliutinik akileeqqusisinnissamut akuersissuteqartoqarsimanissaa piumasqaataamat.

3.2. Sakkortuumik pileriaannaasumillu aammalu pinngitsoorneqarsinnaanngitsumik aarlerinartorsiortoqarnerani suliffimmik qimatsinissamut pisinnaatitaaffik

3.2.1. Inatsisit atuuttut

Kalaallit Nunaanni sullivinni avatangiisit pillugit inatsit danskit sullivinni avatangiisit pillugit inatsisaat assigalugu aarlerinartorsiortoqarnerani sulisup suliffimminik qimatsinissamut pisinnaatitaaffeqarnera pillugu aalajangersagartaqanngilaq.

3.2.2. Eqqarsaatit aqqissuussinerlu siunnersuutigineqartoq

Kalaallit Nunaanni Namminersorlutik Oqartussaat oqaatigereerpaat Kalaallit Nunaata aatsitassarsiorfinni isumannaallisaaneq peqqissuserlu pillugit ILO-p aatsitassarsiorfiit pillugit isumaqatigiissutaa nr. 176 akuersissutigerusukkaa. Isumaqatigiissut aarlerinartorsiortoqarnerani sulisut suliffinninnik qimatsisinnaanerit pillugu aalajangersakkamik imaqarpoq.

Isumaqatigiissummi artikel 13, imm. 1, litra e), malillugu pissutsit sulisut isumannaatsumiinnissaannik peqqissusaannillu aarlerinartorsiortitsisutut naammaginartumik tunngavissaqarluni isumaqarfigineqarsinnaappata, sulisut aatsitassarsiorfimmi piffinnit tamanit qimagunnissamut pisinnaatitaaffeqarput.

Sakkortuumik pileriaannaasumillu aarlerinartorsiornermik paasinnittaatsip paasinnittaaseq Sullivinnik Nakkutilliisoqarfiup soorlu maskinamik, akuutissamik atortussamilluunniit atuinermik unititsinissamut, imaluunniit sulinerup unitsinnissaanut piginnaatitaaneranut tunngavigineqartoq amerlanertigut assigissavaa, tamatumani sulisut allalluunniit isumannaatsumiinnissaat peqqissusaallu annertuumik pileriaannaasumillu aarlerinartooq pinngitsoortinniarlugu unititsineq pisariaqartutut isigineqassalluni.

Aarlerinartoqartillugu suliamik qimatsinissamut pisinnaatitaaffik aamma sulinermi inatsisinut nalinginnaasumik tunngavigineqartut malitsigaat. Pisinnaatitaaffik isumaqatigiissutit malillugit nalinginnaasumik eqqisseqatigiinnissamut pisussaaffimmit pineqanngitsutuaavoq, kisiannili aamma sulisut ataasiakkaatut suliffimminnik qimatsinissamut pisinnaatitaaffigalugu, taamaasiormikkut sulinerminni atugassarititaasunik unioqutitsinngikkaluarlutik.

Kalaallit Nunaannut tunngatillugu sulinermut inatsisitigut tunngavigisat nalinginnaasut ILO-p isumaqatigiissutaani artikel 13, imm. 1, litra e)-p akuersissutiginnissaanut naammangitsiq nalilerneqarpoq. Taamaattumik isumaqatigiissut akuersissutigineqarsinnaassappat, Kalaallit Nunaanni sullivinni avatangiisit pillugit inatsit allanngortinneqartariaqarpoq.

Sakkortuumik pileriaannaasumillu, kiisalu suliffik qimannagu pinngitsoortinneqarsinnaanngitsumik aarlerinartoqartillugu, sulisup suliffimminnik qimatsinnaaneranik qulakkeerinnittumik aalajangersakkamik ilanngussisoqarnissaa siunnersuutigineqarpoq. Suliffiup qimannissaanut pisariaqarlunnartumik pissutissaqassaaq, assersuutigalugu taamatut issinnaavoq sulinermi atugarisat sulisut inuunerannik piviusumik, annertuumik pileriaannaasumillu ulorianartorsiortitsippata imaluunniit inuup annertuumik aqqunarnissaanut ulorianartorsiortitsillutik. Tamatuma aarlerinartup qanoq paasineqartarnera, paasinnineq Sullivinnik Nakkutilliisoqarfiup soorlu maskinamik atuinermik unititsinissamut, imaluunniit sulinerup unitsinnissaanut piginnaatitaaneranut tunngavigineqartoq assigissavaa, tamatumani sulisut allaluunniit isumannaatsumiinnissaat peqqissusaallu annertuumik pileriaannaasumillu aarlerinartoq pinngitsoortinniarlugu unitsitsineq pisariaqartutut isigineqassalluni.

Aammattaq pissutaasut taaneqartut pissutigalugit sulisup suliffini imaluunniit piffik ulorianartoq qimattariaqarpagu, siunnersuutip malitsigisaanik sulisup atugarisai ajornerulersinneqassanngillat. Sulisup atugarisai ajornerulersinneqarpata, sulisup taarsiiffigitissinnaanissaa siunnersuutigineqarpoq. Taarsiiffigitinnerit pineqartup aningaasaanngitsutigut ajoquserneqarneranut matussusiissapput. Taarsiiffigitinnerit taakkuinnaassanersut imaluunniit taarsiiffigitinnermut inatsisitigut tunngaviusut nalinginnaasut malillugit saniatigut taarsiiffigitittoqassanersoq aalajangersakkakut killilerneqanngilaq.

Aalajangersagaq malillugu sulisup pisinnaatitaaffii ilumut unioqutitaasimanerat Kalaallit Nunaanni eqqartuussivinnit nalilerneqassaaq.

Aalajangersagassatut siunnersuutip danskit sullivinni avatangiisit pillugit inatsisaanni assigisaanik aalajangersagaq assigerluinnarpaa.

Ataatsimoorluni isumaqatigiissutikkut sulisoq ILO-p isumaqatigiissutaani artikel 13, litra e)-p assigisaanik pisinnaatitaaffilerneqarpat, aalajangersagaq atorneqassanngilaq, isumaqatigiissut malillugu pissutsit sulisut isumannaatsumiinnissaanik peqqissusaannillu aarlerinartorsiortitsisutut naammaginartumik tunngavissaqarluni isumaqarfigineqarsinnaappata, sulisut aatsitassarsiorfimmi piffinnit tamanit qimagunnissamut pisinnaatitaaffeqarmata.

Sullivinni avatangiisit pillugit inatsimmi kapitali 12 malillugu Sullivinnik Nakkutilliisoqarfiup nalinginnaasumik nakkutilliinera nakkutilliiartortarneralu atorneqassanngilaq, saniatigullu tamatumunnga atatillugu attuumassuteqarani, aalajangersagaq siunnersuutigineqartoq sulisitsisup sulisullu akornanni sulinermut tunngasutigut inatsisinut tunngasuummat.

3.3. *Akuutissat atortussallu pillugit aalajangersakkanik naleqqussaaneq*

3.3.1. *Inatsisit atuuttut*

Sullivinni avatangiisit pillugit inatsimmi § 39, imm. 1 malillugu suliassaqartitsinermit ministeri akuutissanik atortussanillu pilersitsineq, nunanut allanut annissuineq, uninngatitsineq, assartuineq atainerlu pillugit maleruagassanik aalajangersaasinnaavoq.

Akuutissat atortussallu akuutissanik atortussanillu uloriananngitsunik, ulorianannginnerusunik ajoqutaannginnerusunilluunniit il.il. taarserneqarsinnaappata (substitution), akuutissat atortussallu atorneqaqqusaannginnerannik akuutissat atortussallu pillugit Kalaallit Nunaannut nalunaarummi § 3-mi aalajangersaanikkut piginnaatitsissut piviusunngortinneqarpoq. Akuutissamik taarsiutaasumik atuneq teknikkikkut piginnaasat aningaasartuutilluunniit pingaaruteqartumik assigiinngissuteqarnerannik kinguneqassagaluarpas, teknikkikkut, aningaasaqarnikkut peqqissutsikkullu ataatsimoortumik nalilersuisoqassasoq ilaatigut aalajangersagaavoq.

Aammattaaq sullivinni avatangiisit pillugit inatsimmi § 39, imm. 1, nr. 4 malillugu pilersuisunit sulisitsisunillu atainermut ilitsersuutit pillugu maleruagassanik aalajangersaasoqarsinnaavoq. Piginnaatitsissut akuutissat atortussallu pillugit Kalaallit Nunaannut nalunaarummiippoq, atainermullu ilitsersuutit pilersuisuneersut pillugit maleruagassat aalajangersarnerannut kiisalu sulisitsisut suliffiup qanoq atorneqarnissaanik ilitsersuusiornissaannik piumasaqaatip aalajangersarneranut atorneqarluni.

Tamatuma saniatigut sullivinni avatangiisit pillugit inatsimmi § 29, imm. 1-imi, inatsimmi § 24, imm. 1-mut naleqqiullugu, teknikkikkut paasissutissat allattorsimaffii assigisaallu pillugit maleruagassanik aalajangersaanissamut suliassaqartitsinermit ministeri piginnaatitaavoq. Piginnaatitsissut ilaatigut akuutissat atortussallu pillugit Kalaallit Nunaannut nalunaarummi § 5-imi, teknikkikkut paasissutissat allattorsimaffii akuutissat atortussallu pineqartut sullivinni avatangiisini isumannaallisaanermut peqqissutsimullu sunniutaat pillugit paasissutissanik imaqarnissaat pillugu maleruagassanik aalajangersaanermut, atorneqarpoq.

Naggataagullu Sullivinnik Nakkutilliisoqarfik § 39, imm. 4 malillugu akuutissanut atortussanullu killiliussatut naliliussanik aalajangersaanissamut kiisalu atortussat akuutissallu uloriarnartutut imaluunniit sulisut isumannaatsumiinnissaannik peqqissusaannillu ajornerulersitsisinnaasutut isigineqartut allattorsimaffiisa suliarineqarnissaat pillugu maleruagassanik aalajangersaanissamut piginnaatitaavoq.

3.3.2. Eqqarsaatit aaqqissuussinerlu siunnersuutigineqartoq

Piginnaatitsissutitut aalajangersakkat taaneqartut 1986-miilli atuupput. Danskít sullivinni avatangiisinut inatsisaanni assigisaanik aalajangersakkanut naleqqiullugu naleqqussaanissaq erseqqissaanissarlu allannguutissatut siunnersuutini siunertaavoq. Taamaasilluni suliassaqartitsinermut ministerip suliassaqarfimmi piginnaatitaanerisa annikillinissaat annertusinissaalluunniit siunertaangilaq.

Akuutissanut atortussanullu naliliussanut killiliussanik aalajangersaanissamut Sullivinnik Nakkutilliisoqarfiup piginnaatitaaneranut assigisaa atuuppoq, siunnersuut malillugu taamatut naliliussanut killiliussanik aalajangersaaneg suliassaqartitsinermut ministerip sullivinni avatangiisit pillugit inatsimmi § 56 malillugu Sullivinnik Nakkutilliisoqarfimmut piginnaatitsineratigut siunissami pisassammat.

Taarsiuteqarneq substitution pillugu suliassaqartitsinermut ministerip maleruagassanik aalajangersaaninnaanerata inatsimmi § 35-imi nutaatut imm. 5-imi tamanna pillugu immikkuullarissumik aalajangersakkamik ilanngussinikkut erseqqissaatigineqarnissaa siunnersuutigineqarpoq. Aalajangersakkap oqaasertalerneqarnermigut danskít sullivinni avatangiisit pillugit inatsisaanni § 49 c, imm. 1 assigaa.

Akuutissat atortussallu pillugit teknikkikkut paasissutissat allattorsimaffii assigisaallu pillugit maleruagassanik aalajangersaanissamut suliassaqartitsinermut ministerip piginnaatitaaffia inatsimmi § 39, imm. 1, nr. 4-mi erseqqissaatigineqassasoq ilanngullugu siunnersuutigineqarpoq.

Peqatigisaanillu § 39, imm. 1, nr. 4 oqaasertalerneqarnermigut naleqqussarneqarpoq, taamaasilluni ”pilersuisunit atuinermut ilitsersuutit”-nik oqarneq ”pilersuisunit isumannaallisaanermut paasissutissat allattorsimaffii”-nik taarserneqarluni, taamatut oqartarneq ullumikkut atugaammat.

Naggataagullu § 39, imm. 4-p aaqqissuinikkut allanngortinneqarnissaa siunnersuutigineqarpoq, taamaasilluni akuutissanut atortussanullu naliliussanut killiliussanik il.il. aalajangersaanissamut piginnaatitsissut suliassaqartitsinermut ministerimut atuuttussanngorlugu. Ministerip Sullivinnik Nakkutilliisoqarfik kingorna piginnaatissinnaavaa naliliussanut killiliussanik il.il. aalajangersaasussanngorlugu, tak. inatsimmi § 56. Naliliussanut killiliussanik aalajangersaaneg inatsimmi § 50, imm. 1, nr. 3-mi suleriaaseq maleqquneqartoq malillugu ingerlanneqassaaq, Sullivinni Avatangiisinut Siunnersuisoqatigiit sioqqullugu tusarniaaffigineqartussaalluni. Aammattaaq naliliussanut killiliussanik aalajangersaanerit atuutilersinneqannginneranni Namminersorlutik Oqartussanut saqqummiunneqassapput oqaaseqarfigineqartussanngorlugit, tak. Namminersorneq pillugu Inatsimmi § 18, imm. 1 aamma 2. Suleriaaseq atuuttoq malillugu tamanna aallaavittut pissassaaq Sullivinni Avatangiisnut Siunnersuisoqatigiit oqaaseqaataa tiguneqareeraangat.

3.4. Akuutissanik atortussanillu ulorianartunik atuinermi oqaaseqaateqarnissamut imaluunniit akuersissuteqarnissamut piginnaatitaanermut aalajangersagaq

3.4.1. Inatsisit atuuttut

Sullivinni avatangiisit pillugit inatsit atuuttoq malillugu akuutissanik atortussanillu atuinnermut Sullivinnik Nakkutilliisoqarfiup siumoortumik oqaaseqaateqartinnissaanut imaluunniit akuersissuteqartinnissaanut piumasqaateqartoqarsinnaangilaq.

3.4.2. Eqqarsaatit aqqissuussinerlu siunnersuutigineqartoq

Kalaallit Nunaanni piiaanermik suliniutit piviusunnngortinneqartarnerat ilutigalugu, akuutissat atortussallu, isumannaallisaanermut peqqissutsimullu ulorianarsinnaasut imaluunniit ajornerulersitsisinnaasut, Sullivinnik Nakkutilliisoqarfik sioqqutsisumik oqaaseqaateqartinnagu imaluunniit akuersissuteqartinnagu siunertanut aalajangersimasunut imaluunniit piffinni aalajangersimasuni atorneqaqqusaannginnerat pillugu maleruagassanik aalajangersaanissaq pisariaqalersinnaavoq.

Soorlu Danmarkimi taamatut iliortoqartoq, akuutissat annertussusaat sumullu atorneqarnissaat naapertuuttut isigineqarpat, akuutissat atortussallu siunertanut aalajangersimasunut piffinnilu aalajangersimasuni atorneqarsinnaasunnngorlugit akuutissanik atortussanillu kemiimik tunngaveqartunik ulorianartunik atuinnermut maleruagassanik aalajangersaasoqarsinnaavoq.

Danmarkimi ilaatigut tunisassiat acrylamidimik akullit, assersuutigalugu qillerinermi il.il. quppanik ikkugussiffinnillu ussissaatitut atorneqartartut, akuersissutigineqarnissaat piumasqaatitut aalajangersagaavoq.

Akuutissat atortussallu, isumannaallisaanermut peqqissutsimullu ulorianarsinnaasut imaluunniit ajornerulersitsisinnaasut, Sullivinnik Nakkutilliisoqarfik sioqqutsisumik oqaaseqaateqartinnagu imaluunniit akuersissuteqartinnagu siunertanut aalajangersimasunut imaluunniit piffinni aalajangersimasuni atorneqaqqusaannginnerat pillugu suliaaqaartitsinnermut ministerip maleruagassanik aalajangersaanissamut piginnaatitaanera pillugu § 39-imi aalajangersakkamik ilanngussisoqarnissaa siunnersuutigineqarpoq.

Aalajangersakkap taamatut ittup danskit sullivinni avatangiisit pillugit inatsisaanni § 49, c, imm. 2 assigissavaa, inatsisissatullu siunnersuummi § 39-mi piginnaatitsissutip maleruagassanik aalajangersakkami tassani aalajangersagaasunit annertunerusunut atorneqartussanik aalajangersaanermut atorneqarnissaa eqqarsaataangilaq.

Piginnaatitsissutip atorluarneqarnissaanut maanna pilersaaruteqartoqanngilaq. Tamanna piviusunnngortinneqartussat eqqarsaatigineqalissappat, akuutissanik atortussanillu sulinermi kræfteqalersinnaanerup pitsaaliornissaa pillugu danskit nalunaarutaat nr. 1795, 18. december 2015-imeersumi kingusinnerusukut allannguutitalimmi kapitali 7-imi aalajangersagaasut assigisaannik akuersissuteqarnermut aqqissuussisoqassaaq.

Inatsimmi § 50, imm. 1, nr. 3-imi suleriaatsitut atoqquneqartoq, Arbejds miljørådimik siumoortumik

tusarniaanertalik malillugu maleruagassanik aalajangersaasoqassaaq. Tamatuma saniatigut akuutissat atortussallu ulorianartut pillugit akuersissuteqarnermut aqqissuussinermut siunnersuut atuutilersinneqannginnermini Namminersorlutik Oqartussanut oqaaseqarfigisassanngorlugu saqqummiunneqassaaq, tak. Namminersorneruneq pillugu Inatsimmi § 18, imm. 1. aamma 2. Suleriaaseq atuuttoq malillugu tamanna aallaavittut pissaaq Arbejds miljørådip oqaaseqaataa tiguneqareeripat.

3.5. Sullivinni ajoqusernerit pillugit paasisutissanik Arbejdsmarkedets Erhvervssikringimiit Kalaallit Nunaanni Sullivinnik Nakkutilliisoqarfimmut ingerlatitseqqinneq

3.5.1. Inatsisit atuuttut

Kalaallit Nunaanni sullivinni avatangiisit pillugit inatsimmi § 58 malillugu sullivinni ajutoornerit, toqunartumik sunnertinnerit, inuussutissarsiornermit nappaatigilikkat pissutsillu allat sullivinni avatangiisinut pingaaruteqartut nalunaarutigineqarnissaanut pisussaaffik pillugu maleruagassanik suliassaqartitsinermut ministeri aalajangersaasinnaavoq. Sullivinni ajoqusernerit nalunaarutigineqarnissaat pillugu Kalaallit Nunaannut nalunaarut nr. 401, 24. juni 1986-imeersukkut piginnaatitsissut piviusunngortinneqarpoq, taannalu malillugu sullivinni ajoqusernerit toqunartumillu sunnertinnerit, kiisalu ajoqutit sulinermit tunngaveqartut, toqumik imaluunniit annertuumik ajoquteqalernermik kinguneqartut Kalaallit Nunaanni Sullivinnik Nakkutilliisoqarfimmut nalunaarutiginissaanut sulisitsisut pisussaaffeqarput. Nakorsat kigutillu nakorsaat ajoqutit assigisaannillu ajoqutaasumik sunnertinnerit paasisamik imaluunniit pasitsaassamik nalunaarutiginissaanut nalunaarut malillugu pisussaaffeqarput.

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 35, imm. 1 malillugu sulisilluni ajoqusernerit inuussutissarsiornermilu nappaatigilikkat Kalaallit Nunaanni Arbejdsskadestyrelsimut nalunaarutiginqarnissaat pisussaaffiuvoq. Suliassaqarfitsinermut ministerip inatsimmi §§ 38 aamma 39 malillugit tamanna pillugu maleruagassat erseqqinnerusut aalajangersarsinnaavai.

Piginnaatitsissut taanna ilaatigut Kalaallit Nunaanni sulisilluni ajoqusersinnaanermut isumannaarineq pillugu inatsit malillugu nakorsat kigutillu narsaasa inuussutissarsiornermit nappaatigilikkanik nalunaaruteqarnissaat pillugu nalunaarut nr. 1624, 21. december 2010-meersukkut ilaatigullu Kalaallit Nunaanni sulisilluni ajoqusersinnaanermut isumannaarineq pillugu inatsit malillugu sulisilluni ajoqusernerit nalunaarutigineqarnissaat pillugu nalunaarut nr. 1656, 21. december 2010-meersukkut piviusunngortinneqarpoq.

Sulisilluni ajoqusernermik oqarnermi pineqarput sulisilluni ajoqusernerit, inuussutissarsiornermit nappaatigilikkat, toqunartumik sunnertinnerit il.il.

Sulisilluni ajoqusernerit Kalaallit Nunaanni Sullivinnik Nakkutilliisoqarfimmut Arbejdsskadestyrelsimullu nalunaarutigeri elektroniskimik immersugassaq imaluunniit immersugassaq tigussaasoq atorlugu pissaaq, taannalu nalunaaruteqartarfimmi Arbejdsskadestyrelsip akisussaaffigisaani nalunaarsorneqassaaq.

Taamaasillu nalunaaruteqartarfik sulisilluni ajoqusernerit inuussutissarsiormillu ajoqutigilikkat nalunaarsorneqartut pillugit paasissutissanik imaqarpoq, ilanngullugit ataasiakkaat pillugit paasissutissat, soorlu ajoqusertoq, nappaataata suunera kiisalu nalunaaruteqartoq pillugit paasissutissat.

Inuit pillugit paasissutissat suliarineqartarnerat pillugu inatsit nr. 429, 31. maj 2000-imeersup (Inunnik paasissutissat pillugit inatsisip) kunngip peqqussutaatigut 1. oktober 2016-imi Kalaallit Nunaannut atuutsinneqalernissaa piumasagaataavoq. Inuk kinaassusersineqareersaq imaluunniit kinaassusersineqarsinnaasoq pillugu paasissutissat suugaluartulluunniit suliarineqartarnerannut inatsit maleruagassaqaqtitsivoq, suliat pisortat oqartussaasuinit namminersortunilluunniit suliarineqarpata, suliarinninnerlu elektronik atorlugu paasissutissanik tamakkiisumik ilaannakortumilluunniit suliarinninneruppat. Assigisaanillu inuk pillugu paasissutissat, nalunaarsuiffimmut ilanngunneqartussat elektronik atornagu suliarineqartut, inatsimmut ilaapput, tak. inunnik paasissutissat pillugit inatsimmi § 1, imm. 1.

Inuit pillugit paasissutissanik oqarnermi inunnik paasissutissat pillugit inatsimmi § 3, imm. 1 malillugu pineqarput inuk kinaassusersineqareersaq imaluunniit kinaassusersineqarsinnaasoq pillugu paasissutissat suugaluartulluunniit. Taamaattoq inunnik paasissutissat pillugit inatsimmi maleruagassat inatsisikkut avaqunneqarsinnaapput. Inunnik paasissutissanik suliarinninneq aallaavittut tunngaviit inunnik paasissutissat pillugit inatsimmi § 5-imiittut malillugit pissaq.

Aalajangersakkap imm. 1-ani takuneqarsinnaavoq inunnik paasissutissat suliarineqarnerat paasissutissanik suliarinninnermut ileqqut pitsaasut malillugit pissasoq. Inatsisip piareersarneranik suliarinneq malillugu suliarinninnerup naammaginaruunissaa inatsisillu malillugit pinissaa pineqarpoq.

Imm. 2-mi takuneqarsinnaavoq paasissutissanik katersineq siunertanut erseqqissumik taaneqartunut piviusorsioortunullu pissasoq, kingusinnerusukkullu suliarinninneq siunertanut taakkununga akerliussanngitsaq (finalité-mik tunngaveqarneq).

Imm. 3-mi takuneqarsinnaavoq paasissutissat katersorneqartut attuumassuteqartuussasut naammallutillu, paasissutissanillu katersinnermut siunertaasut eqqortinnissaannut kiisalu paasissutissat kingusinnerusukkut suliarineqarneranni siunertanik qaangiisunik imaqqassanatik.

Inunnik paasissutissat pillugit inatsimmi § 7-imi takuneqarsinnaavoq inuup qalipaataa imaluunniit inuiattut kingoqqiffia, politikikkut, upperisakkut imaluunniit eqqarsaqqissaarnikkut upperisaa, sulisartoqarnikkut peqatigiiffinnut attuumassutai pillugit paasissutissat, kiisalu peqqissutsikkut atoqateqartarnikkullu pissutsit pillugit paasissutissat suliarineqassangisut. Taamaasilluni immikkut ittumik ilaatitaannginnissaq atuutinngippat, paasissutissanik mianernartunik, immikkut illersorneqartariaqartunik qaqugukkut suliarinnittoqarsinnaaneranut nalinginnaasumik piumasagaatinik aalajangersagaq imaqarpoq.

3.5.2. Eqqarsaatit aaqqissuussinerlut siunnersuutigineqartoq

Arbejdsskade styrelsen suliasai Arbejdsmarkedets Erhvervssekretariat nuullugit Kalaallit Nunaanni sulisilluni ajutoorsinnaanermut isumannaarineq pillugi inatsisip (inatsit nr. 627, 8. juni 2016-imeersup) allanngortinneqarnerata kinguneranik, Kalaallit Nunaanni sulisilluni ajutoornerit nalunaarutigineqartarnerannut periuseq, aaqqissuussaarnikkut Arbejdsmarkedets Erhvervssekretariat

inissimalissaq.

Taamaattumik Arbejdsskadestyrelsen Kalaallit Nunaanni Sulisilluni Ajoqusernertut Sullissiviata suliaasa suliffeqarfimmut imminut pigisumut Arbejdsmarkedets Erhvervssikringimut nuunneqarnerisa kinguneranik, sulisilluni ajoqusernerit pillugit Kalaallit Nunaanni Sullivinnik Nakkutilliisoqarfimmut nalunaaruteqarnermut periutsimiit paasissutissanik Arbejdsmarkedets Erhvervssikringip Kalaallit Nunaanni Sullivinnik Nakkutilliisoqarfimmut tunngiussinissamut inatsisitigut pisussaaffeqalernissaa siunnersuutigineqarpoq. Tamatumani saniatigut paasissutissanik assigisaannik Arbejdsmarkedets Erhvervssikringip aamma Danmarkimi Sullivinnik Nakkutilliisoqarfiup akornanni danskit ingerlatitseqqittarnerisa suliarinnittarnerisalu assigisaannik, Kalaallit Nunaanni Arbejdsmarkedets Erhvervssikringip tunngaviusumik paasissutaataanik Kalaallit Nunaanni Sullivinnik Nakkutilliisoqarfimmut tunniusseqqissinnaaneranut, kiisalu paasissutissanik taakkuninnga Sullivinnik Nakkutilliisoqarfiup suliarinnissinnaalerneranut inatsisitigut erseqqissumik tunngavissaqalerpoq.

Kalaallit Nunaanni Sullivinnik Nakkutilliisoqarfiup sulisilluni ajoqusernerit il.il. pillugit paasissutissat, Sullivinnik Nakkutilliisoqarfiup nakkutilliinnerminik pilersaarusiorneranut atussavai, soorlu aamma pitsaaliuinnermik suliniutinut, nalilersueqqissaarnertut kiisalu sullivinni avatangiisinut tunngasuni naatsorsueqqissaarnermik siunertanut atorineqarumaartut.

Kalaallit Nunaanni Sullivinnik Nakkutilliisoqarfiup nakkutilliinnerminik ataavartumik tunaartaqartitsinissaa, tamatuminngalu suliarinninnermini paasissutissanik attuumassuteqartunik, ilanngullugit sulisilluni ajoqusernerit pillugit paasissutissanik atuinissaa qulakkeernissaa siunnersuummi siunertaavoq, Arbejdsmarkedets Erhvervssikringip nalunaaruteqartarnermut periutsimiit aamma sulisilluni ajoqusernerit inuussutissarsiornermillu nappaatigilikkat pillugit tunngaviusumik paasissutissaatiminik Kalaallit Nunaanni Sullivinnik Nakkutilliisoqarfimmut tunniusseqqissinnaanera pillugu Kalaallit Nunaanni sulisilluni isumannaarineq pillugu inatsimmi inatsisitigut tunngavissinneqarnissaa siunnersuutigineqarpoq.

Kalaallit Nunaanni Sullivinnik Nakkutilliisoqarfiup Arbejdsmarkedets Erhvervssikringip sulisilluni ajoqusernerit inuussutissarsiornermillu nappaatigilikkat pillugit tunngavisumik paasissutissaataanik katersisinnaanera ataatsimoortitsinnaaneralu pillugit Kalaallit Nunaanni sullivinni avatangiisit pillugit inatsimmi erseqqissumik inatsisitigut tunngavissaqalernissaa assigisaannik siunnersuutigineqarpoq.

Inatsisissatut siunnersuut inunnik paasissutissat pillugit inatsimmut aamma paasissutissanik illersuineq pillugu peqqussummut sinaakkusiussat iluiniittoq nalilerneqarpoq. Taamatut iliornikkut paasissutissanik katersuinerup ataatsimoortitsinerullu siunnersuutigineqartup, Sullivinnik Nakkutilliisoqarfiup suliffeqarfinni sullivinni avatangiisinik nakkutilliinerata tunaartaqartilernissaanut atorineqarnissaa suliaasaqartitsineranut ministereqarfimmit pingaartinneqarpoq.

Paasissutissanik illersuineranut peqqusutit atsikkutigiissitsinissamut siunertallu aalajangersimasuunissaanik piimasaqaatitaata aamma eqqortinneqartoq nalilerneqarpoq.

Sullivinnik Nakkutilliisoqarfiup nakkutilliinermik sulinera tunaartaqartinniarlugu inuit ataasiakkaat pillugit paasissutissanik Sullivinnik Nakkutilliisoqarfiup katersisinaanissaa tunngavissaqartumik pinngitsoorneqarsinnaanngitsumillu pisariaqartinneqartoq suliassaqartitsinermut ministereqarfiup nalilerpaa. Tamatut iliornikkut Sullivinnik Nakkutilliisoqarfiup nakkutilliinerata sapinngisamik ukkassisunngornissaa pissutaavoq.

Sullivinnik Nakkutilliisoqarfiup suli taamaallaat suliffeqarfinni sullivinnik avatangiisnik nakkutilliisussaanera siunnersuutikkut allanngussanngilaq, nalunaarsukkallu ataatsimoortunngortinnerisa inernerat inunnt nakkutilliinermik kalluagaasunut kinguneqartussaanani.

Allannguutissatut siunnersuutit taamaallaat Kalaallit Nunaanni suliaqarfiit marluk (Sullivinnik Nakkutilliisoqarfiup aamma 1. juli 2016-imiit Arbejdsmarkedets Erhvervssikringip) akornanni paasissutissanik paarlaaqatigiinnermut tunngasuupput.

4. Pisortanut aningaasaqarnikkut allaffissornikkullu kinguneri

Aatsitassanik ikummatissanillu kiisalu erngup nukinganik ingerlanik Sullivinnik Nakkutilliisoqarfiup nakkutilliinermut aningaasartuutaasa amerlanersaasa, ilanngullugit Nuummum Nuummiillu angalanernut, tuluit kalaallillu oqaasii pinnagit pisariaqartitamik nutserisoqarnermut oqalutseqarnermullu, kiisalu nerisaqarnermut najugaqarnermullu aningaasartuutaasa, piginnaatitaaffeqartunit allanillu, aatsitassanut ikummatissanullu inatsit kiisalu erngup nukinga pillugu inatsit malillugit atorluaanissamut pilersaaminninnik Naalakkersuisunit akuerineqarsimasunit akilernerqartarnissaat siunertaavoq. Nakkutilliisut nalinginnaasumik ilinniartitaanerannut Sullivinnik Nakkutilliisoqarfiup aningaasartuutai akiliutinut ilanngullugit naatsorsorneqartassanngillat. Akerlianilli nakkutilliisut, aatsitassanik ikummatissanillu kiisalu erngup nukinganik ingerlatanik nakkutilliisut immikkut ittumik piginnaasaasa ineriartortinnerannut aningaasartuutit akiliutinut ilaassapput.

Misissueqqaarnernut, ilisimatuussutsikkut misissuinernut kiisalu atorluaanissamut pilersaarut Naalakkersuisunit akuerineqartoq tikillugu misissueqqissaarnernut atatillugu sullivanik nakkutilliineq, siunnersuut malillugu akiliinissamut piumasaqaammum ilaassanngilaq. Nakkutilliinernut taakkununga aningaasartuutit danskit naalagaaffiannit (Sullivinnik Nakkutilliisoqarfimmit) ingerlaqqittumik akilernerqartassapput.

Siunnersuutip danskit naalagaaffiannut (Sullivinnik Nakkutilliisoqarfimmut) allaffissornikkut imaluunniit aningaasaqarnikkut taamaallaat annikitsunik kinguneqarnissaa naatsorsuutigineqarpoq.

5. Inuussutissarsiortunut il.il. aningaasaqarnikkut allaffissornikkullu kinguneri

Nakkutilliinermut oqartussatullu suliaqarnermut akiliuteqartarnissaq, kiisalu Nuummum Nuummiillu angalanernut, tuluttut kalaallisullu pinnagit pisariaqartitamik nutserisoqarnermut oqalutseqarnermullu, kiisalu nerisaqarnermut najugaqarnermullu aningaasartuutit utertinneqartarnissaat pillugit siunnersuut inuussutissarsiortunut aningaasaqarnikkut kinguneqartussavaoq, Kalaallit Nunaanni aatsitassanik

ikummatissanillu kiisalu erngup nukinganik ingerlatanik nakkutilliinermut Sullivinnik Nakkutilliisoqarfiup aningaasartuutaasa inuussutissarsiortunit akilerneqartarnissaat pissutigalugu.

Sullivinnik Nakkutilliisoqarfiup aningaasartuutanut, taamaasillunilu inuussutissarsiortunut aningaasaqarnikkut kingunerinut, nakkutilliinerup piumasaqaatigenerata eqqunneqarneratigut pilersussanut, akuersissutit atorluarneqartut qassiunerat, nunap immikkoortuani sumiinnerat, kiisalu nakkutilliinerup il.il. qanoq sivistigisumik ingerlanissaa apeqqutaassaaq.

Soorlu qulaani takuneqarsinnaasutut Isukasiani suliniummi, kiisalu Rubininik suliniummi aamma Anorthositimik suliniummi atorluaanissamut akuersissutinik tunniussisoqareerpoq, kingulliillu sulingiutaapput angisuujunngitsut. Isukasini suliniut piviusunngortinneqassaguni, sanaartormik killiffimmi inuit 3.000 sinnerlugit sulisorineqarumaartut naatsorsuutigineqarpoq.

Akuersissutinik amerlanerusunik qassinillu tunniussisoqarumaarnersoq, imaluunniit akuersissutit qaqugukkut atorneqarumaarnersut siulitorneqarsinnaanngilaq. Taamaattumik aatsitassanik ikummatissanillu kiisalu erngup nukinganik siunissami ingerlataasussanut aningaasartuutit tamarmiusussaat naatsorsorneqarsinnaanngillat.

Isukasiani suliniutit imaluunniit angisuunik suliniutit assigisaat aallaavigalugit, Sullivinnik Nakkutilliisoqarfiup nakkutilliisut aningaasarsiaannut, pisinnaatitaasunit akilerneqartussanut aningaasartuutai sanaartormik killiffimmi ukiumut 1,4 mio. kr.-inik annertussuseqartussat nalilerallarneqarsinnaapput.

Aatsitassarsiorfik ingerlariilersillugu, aatsitassarsiorfimmik nakkutilliinermut aningaasartuutit aallaavitut annertuumik annikillisussaapput, ilaatigut sulisut amerlanertigut ikinnerusartussaammata ikinnerusunillu nakkutilliartortoqartartussaalluni. Taamaasilluni Sullivinnik Nakkutilliisoqarfiup suliniutini qulaani taaneqartuni ingerlatsinermik killiffinni ukiumut 0,7 mio. kr.-inik annertussuseqartussat nalilerallarneqarsinnaapput.

Nakkutilliinermut oqartussatullu suliaqarnermut aningaasartuutit saniatigut, aamma Nuummumt Nuummiillu angalanernut, tuluit kalaallillu oqaasii eqqaassanngikkaanni pisariaqartitamik nutserisoqarnermut oqalutseqarnermullu, kiisalu nerisaqarnermut najugaqarnermullu aningaasartuutit pisinnaatitaasut akilertussaavaat. Aningaasartuutit taakku qanoq annertutigiumaarnerat siulitorneqarsinnaanngilaq, ilaatigut Sullivinnik Nakkutilliisoqarfiup akeqanngitsumik angalanerit najugaqartitsinerillu akeqanngitsut, allanit, ilaatigut pisinnaatitaasunit atugassiissutigineqartut qassit atorumaarnerai apeqqutaammat.

Najukkanik, pisinnaatitaasunit imaluunniit suliffeqarfinnit oqartussanillu allanit, aamma aatsitassanut ikummatissanullu oqartussanit, piffimmiittunit pilersitaasunik Sullivinnik Nakkutilliisoqarfiup amerlanertigut atuisarnissaa naatsorsuutigineqarpoq. Tamatuma inuussutissarsiortunut aningaasaqarnikkut kingunerit annikillisissinnaavai.

Akuutissanik ulorianartunik atuinerup siunertanut piffinnulluunniit aalajangersimasunut akuersissutigineqartarnissaa pillugu suliassaqartitsinermut ministerip maleruagassanik aalajangersaanissamut nutaamik piginnaatitaanissaanut siunnersuut, ungasinnerusumut isigaluni inuussutissarsiortunut aningaasaqarnikkut kinguneqarsinnaavoq. Taamaassappat suliassaqartitsinermut ministerimut piginnaatitsissutip siunnersuutigineqartup aalajangersimasumik piviusunngortereerneratigut tamanna aatsaat nalilerneqarsinnaassaaq.

Tamatuma saniatigut siunnersuutip inuussutissarsiortunut allaffissornikkut imaluunniit aningaasaqarnikkut taasariaqartunik kinguneqarnissaa naatsorsuutigineqanngilaq.

6. Innuttaasunut allaffissornikkut kinguneri

Kalaallit Nunaanni Sullivinnik Nakkutilliisoqarfik aamma siumut isigisumik paasissutissanik pissarsisinnaasunngorlugu sulisilluni ajoqusernerit pillugit paasissutissat ingerlateqqinneqarsinnaanerannut inatsisitigut tunngavissaqalernissamut siunnersuutip inuit pillugit paasissutissat katersorneqarnissaat nalunaarsukkallu ataatsimoortunngortinneqarnissaat kingunerissavaa. Sullivinnik Nakkutilliisoqarfiup suli taamaallaat suliffeqarfinni sullivinnik avatangiisinik nakkutilliisussaana siunnersuutikkut allanngortinneqanngilaq, nalunaarsukkallu ataatsimoortunngortinneratigut angusat, inunnut nakkutilliinermut kallugaasunut kinguneqartussaananani. Taamaattumik innuttaasut inatsisitigut isumannaatsumik pineqarnissaannik siunnersuut sanngiillisitsissanngitsoq nalilerneqarpoq.

Inatsisissatut siunnersuut innuttaasunut allaffissornikkut saniatigut kinguneqassanngilaq.

7. Avatangiisinut kinguneri

Inatsisissatut siunnersuut avatangiisinut tunngasunik kinguneqanngilaq.

8. EU-mi inatsisinut pissutsit

Inatsisissatut siunnersuut EU-mi inatsisinut tunngasunik imaqanngilaq.

9. Oqartussat suleqatigiiffiillu il.il. tusarniaaffigineqartut

Inatsisissatut siunnersuummut missingiut piffissami xx juni 2016 – xx december 2016-imut oqartussanut suleqatigiiffinnullu il.il. tusarniaassutigineqarpoq: Kalaallit Nunaanni Sullivinni Avatangiisinut Siunnersuisoqatigiit aamma Kalaallit Nunaanni Namminersorlutik Oqartussat.

10. Immersugaq eqikkaaffik

	Kinguneri pitsaasut/ anigaasartuutit ikinnerit	Kinguneri pitsaanngitsut/ anigaasartuutit amerlanerit
Naalagaaffimmut, kommuninut nunallu immikkoortuinut anigaasaqarnikkut kinguneri	Aatsitassanik ikummatillanillu kiisalu erngup nukinganik ingerlatani Sullivinnik Nakkutilliisoqarfiup nakkutilliinerani anigaasartuutitut pingaarnernut naalagaaffik akiliisassanngilaq, nakkutilliinermi kiisalu nakkutilliinermit il.il. atatillugu allaffissornikkut ingerlatsinermit anigaasartuutit amerlanersaat piginnaatitaasumit akilerneqartussaammata	Soqanngilaq
Naalagaaffimmut, kommuninut nunallu immikkoortuinut allaffissornikkut kinguneri	Taasariaqartunik kinguneqanngilaq	Soqanngilaq
Inuussutissarsiortunut anigaasaqarnikkut kinguneri	Soqanngilaq	Aatsitassarsionermik suliniuummi anginerusumi nakkutilliinermi sanaartormik killiffimmi anigaasaqarnikkut kinguneri ukiumut 1,4 mio. kr.-inik, ingerlatsinermillu killiffimmi ukiumut 0,7 mio. kr.-inik annertussuseqartussatut naatsorsuutigineqarput. Tamatuma saniatigut immikkut ittumik piginnaasanik ineriartortitsinermit, kiisalu assarsuinermit, oqalutsimut, nutserisumut, nerisanut najugaqarnermullu anigaasartuutit ilanngunneqassapput. Tamatuma saniatigut akuersissutit atorluarneqartut qassiunerat, taakku nunami sumiinnerat nakkutilliinerullu sivisussusaa il.il. anigaasaqarnikkut kingunerinut apequtaapput
Inuussutissarsiortunut	Soqanngilaq	Soqanngilaq

allaffissornikkut kinguneri		
Innuttaasunut allaffissornikkut kinguneri	Soqanngilaq	Kalaallit Nunaanni Sullivinnik Nakkutilliisoqarfiup paasissutissanik pineqartunik siumut isigisumik sulii pissarsisinnaatillugu sulisilluni ajoqusernerit pillugit paasissutissanik ingerlatitseqqissinnaanermut inatsisitigut tunngavissaqalernissamik siunnersuutip kingunerissavaa inuit pillugit paasissutissanik katersisoqarnissaa nalunaarsukkallu ataatsimoortunngortinnissaat. Tamanna innuttaasut inatsisitigut isumannaatsumik pineqarnissaasa sanngiillisinneqarnerannik kinguneqassanngitsoq nalilerneqarpoq.
Avatngiisinut kinguneri	Soqanngilaq	Soqanngilaq
EU-mi inatsisinut pissutsit	Inatsisissatut siunnersuut EU-mi inatsisinut attuumassuteqanngilaq	

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Sulisut, sulinerminni sakkortuumik pileriaannaasumillu pinngitsoorneqarsinnaanngitsumik aarlerinartorsiortut suliffimminnik ulorianartumik imaluunniit piffimmik ulorianartumik qimatsisinnaanissaat § 13 a, imm. 1-imi siunnersuutigineqarpoq. Sakkortuumik pileriaannaasumillu aarlerinartorsiortoqalersillugu – sulisup sumilluunniit ajoqusersorneqarani – suliffimmik imaluunniit piffimmik aarlerinartorsiorfiusumik qimatsisinnaanera aalajangersakkakut siunniussaavoq. Sakkortuumik pileriaannaasumillu aarlerinartorsiornerup nassuiaataata aarlerinartorsiornerup nassuiaataa Kalaallit Nunaanni sullivinni avatangiisit pillugit inatsimmi § 60, imm. 1 aamma 2-mi atorneqartoq assigaa, taanna malillugu sulisut allalluunniit isumannaatsumiinnissaannut peqqissusaannulluunniit pileriaannaasumik annertuumillu aarlerinartorsiortoqarnera pinngitsoortinniarlugu, Sullivinnik Nakkutilliisoqarfiup aarlerinartorsiornerup ingerlaannaq pinngitsoortinnissaa, najuuttullu ingerlaannavik piffimmit aarlerinartorsiorfiusumit qimatsinissaat peqqussutigisinnaavaa.

Sakkortuumik pileraannaasumillu aarlerinartorsiorneq, tak. imm. 1, pissutigalugu sulisoq suliffimminik imaluunniit piffimmik ulorianartumik qimatsisoq, pineqartup suliffimminik imaluunniit piffimmik ulorianartumik qimatsinera pissutigalugu, atugassarititaasut ajorseriartinnerannik – assersuutigalugu soraarsitaanermik, nuutitaanermik imaluunniit aningaasarsiassat tunniunneqannginnerannik – nalaataqartitaassanngilaq. Sakkortuumik pileraannaasumillu aarlerinartorsiortoqannginnera, sulisup suliffiminiiginnarnermigut imaluunniit piffimmi ulorianartumiiginnarnermigut nalaatinngitsoorsinnaasa sulisitsisup uppersartussaavaa.

Maleruagassanik unioqquitsinermi sulisup taarsiiffigitissinnaanissaa *imm. 3*-mi siunnersuutigineqarpoq.

Immikkoortoq 3.2-mi nalinginnaasumik oqaaseqaatit innersuussutigineqarput.

Nr. 2-mut

Akuutissat atortussallu pillugit teknikkikkut paasissutissat allattorsimaffii assigisaallu pillugit suliasaqartitsinermut ministerip maleruagassanik aalajangersaanissamut piginnaatitaanera siunissami immikkut aalajangersakkami takuneqarsinnaasunngorlugu § 39, *imm. 1, nr. 4*-p oqaasertalerneqarnissaa siunnersuutigineqarpoq. Maskinat ulorianartut il.il. atornissaannut ilitsersuutit pillugit maleruagassanik aalajangersaanissamut ullumikkut piginnaatitsissuteqartoqarpoq, taannalu akuutissanut atortussanullu ulorianartunut § 24, *imm. 1*-imiittunut aamma atuuppoq, tak. § 28. Tamanna maanna erseqqissaatigineqarpoq akuutissat atortussallu pillugit immikkuullarissumik piginnaatitsissuteqarnikkut.

Tamatuma saniatigut § 39, *imm. 1, nr. 4*-mi oqaatsitigut tulluarsaasoqarnissaa siunnersuutigineqarpoq, taamaasilluni ”pilersuisunit atuinissamut ilitsersuutit”-nik oqarneq ”pilersuisunit isumannaallisaanermut paasissutissat allattorsimaffiat”-nik taarserneqassalluni, taamatut oqartarneq ullumikkut atugaammat.

Akuutissat atortussallu pillugit Kalaallit Nunaannut nalunaarut nr. 396, 24. juni 1986-imeersoq ullumikkut pilersuisunit atuinissamut ilitsersuutit piumasaqaataanerat, sulisitsisumit suliffiup atornissaanut ilitsersuutit kiisalu teknikkikkut paasissutissat allattorsimaffiisa piumasaqaataanerat pillugu maleruagassanik imaqareerpoq.

Tamatuma saniatigut immikkoortoq 3.3-mi nalinginnaasumik oqaaseqaatit innersuussutigineqarput.

Nr. 3-mut

§ 39, *imm. 4*-mi allannguisoqarnissaa siunnersuutigineqarpoq, taamaasilluni akuutissanut atortussanullu il.il. killiliussanut naliliussanik aalajangersaanissamut piginnaatitsissut suliasaqartitsinermut ministerimut inissinneqartussanngorlugu.

Tamanna inatsimmi aalajangersumik periuseqarnermut naapertuuppoq, tamatumani allaffissornikkut maleruagassanik aalajangersaanissamut suliaasaqartitsinermit ministeri piginnaatitaammat.

Suliaasaqarfinni allani pisarnej assigalugu, suliaasaqartitsinermit ministeri Sullivinnik Nakkutilliisoqarfimmik killiliussanut naliliussanik aalajangersaanissamut piginnaatitsinissaa ersarissumik naatsorsuutigineqarpoq, takuuk inatsisimmi § 56.

Akuutissanut atortussanullu il.il. killiliussanut naliliussanik aalajangersaanissamut pisariaqartitsineq, Kalaallit Nunaanni aatsitassanik ikummatissanillu ingerlatassatut naatsorsuutigineqartut pilersinneqartarnerat ingerlanneqalersarnerallu ilutigalugu ilaatigut nalilersorneqartartussaassaaq.

Immikkoortoq 3.3-mi nalinginnaasumik oqaaseqaatit innersuussutigineqarput.

Nr. 4-mut

Akuutissat atortussalluunniit sulisut isumannaatsumiinnerannik peqqissusaannilluunniit ulorinarsinnaasut imaluunniit taakkunannga ajornerulersinnaasut, akuutissanik atortussanilluunniit ulorianangitsunik, imaluunniit uloriananginnerusunik imaluunniit ajoqutaannginnerusunik taarserneqarsinnaagunik (substitution) atorneqaqqusaannginnerat pillugu suliaasaqartitsinermit ministerip maleruagassanik aalajangersaasinnaaneramik erseqqissaasumik § 39-imi imm. 5-imik ilanngussinissaq siunnersuutigineqarpoq.

Akuutissat atortussalluunniit sulisut isumannaatsumiinnerannik peqqissusaannilluunniit ulorinarsinnaasut imaluunniit taakkunannga ajornerulersitsisinnaasut Sullivinnik Nakkutilliisoqarfimmit oqaaseqaammik imaluunniit akuersissummik pisimatinnani siunertanut aalajangersimasunut imaluunniit piffinni immikkut ittuni atorneqaqqusaannginnerat pillugu suliaasaqartitsinermit ministeri maleruagassanik aalajangersaasinnaanngorlugu § 39-mi imm. 6-imik nutaamik ilanngussisoqarnissaa siunnersuutigineqarpoq. Aalajangersakkap taamatut ittup danskit sullivinni avatangiisit pillugit inatsisaanni § 49 c, imm. 2 assigissavaa, inatsisissatullu siunnersuummi § 39-mi piginnaatitsissut, maleruagassanik aalajangersagaq taanna malillugu maleruagassanik aalajangersagaasunik qaangiisunik aalajangersaanissamut atorneqarnissaa naatsorsuutigineqanngilaq.

Immikkoortoq 3.3-mi nalinginnaasumik oqaaseqaatit innersuussutigineqarput.

Nr. 5-imut

§ 49, imm. 1-imut siunnersuummi Kalaallit Nunaanni Namminersorlutik Oqartussat pillugit inatsit nr. 473, 12. juni 2009-meersup akuersissutigineqarnerata kinguneranik taaguutip allanngortinneqarnera pineqarpoq,

taannalu malillugu taaguut Kalaallit Nunaanni Namminersornerullutik Oqartussat allanngortinneqarpoq, tassaalerluni Kalaallit Nunaanni Namminersorlutik Oqartussat.

Nr. 6-imut

§ 51, *imm. 1*-imi taaguut Pædagogernes Fagforening maanna Nunatsinni Perorsaasut Kattuffiat-nik taaguuteqarmat aaqqissuussinikkut allannguinissaq siunnersuummi pineqarpoq.

Nr. 7-imut

Pisinnaatitaasut allallu, Kalaallit Nunaanni aatsitassanut ikummatissanullu inatsit imaluunniit erngup nukinga pillugu inatsit malillugu akuersissutaateqartut, aatsitassanik ikummatissanillu kiisalu erngup nukinganik ingerlatanut atatillugu Sullivinnik Nakkutilliisoqarfiup nakkutilliinermut oqartussatullu sulinermut aningaasartuutaasa matussusernissaannut akiliuteqartarnissaat pillugu maleruagassanik suliassaqartitsinermut ministerip aalajangersaasinnaanissaa § 57 *b*, *imm. 1*-imi nutaajusumi siunnersuutigineqarpoq.

Taamaattoq misissueqqaarnerit, ilisimatuussutsikkut misissuinerit kiisalu atorluanaanissamut pilersaarutit Naalakkersuisunit akuerineqarnissaata tungaanut misissuinerimik ingerlatat akiliuteqarnermut ilaatitaannginnissaat siunnersuutigineqarpoq.

Atorluananermut pilersaarummut sanaartornermik killiffiup ilaata annersaa ilaammat oqaatigineqassaaq, tunisassiornerup aaqqissuussaana kiisalu tamatumunnga sanaartukkat, ingerlatsinerimik killiffik kiisalu suliffeqarfiup atorunnaarsinneqarnissaanut pilersaarut ilanngullugit.

Aatsitassanut ikummatissanullu inatsimm § 2, *imm. 2*-p malitsigisaanik ingerlatat tulliuuttut inatsimmut ilaapput, taamaallaallu akuersissut naapertorlugu ingerlanneqarsinnaallutik:

- 1) Kalaallit Nunaanni aatsitassanik ikummatissanillu misissueqqaarnek, misissuineq atorluanaanerlu, kiisalu aatsitassanik ikummatissanillu Kalaallit Nunaanniit annissuineq.
- 2) Nunap ataanik uninngatitsinermut imaluunniit aatsitassanik ikummatissanillu ingerlatat pillugit siunertanut atuineq.
- 3) Imermit, anorimit imaluunniit nunap ataanit nukissamik ingerlatanut inatsimmut ilaasunut atorluaneq.
- 4) Ingerlatanut inatsimmut ilaasunut atugassanik ruujorinik pilersitsineq ingerlatsinerlu.

Erngup nukinganik atuilluni nukissamik tunisassiornissamut misissueqqaarnermut atorluananermullu akuersissummik peqarnissaq erngup nukinga pillugu inatsit malillugu piumasaqaataavoq.

Kalallit Nunaanni Namminersorlutik Oqartussat sulianik suliarinninnermut allatigullu pisortatut suliarinninnermut atatillugu pisinnaatitaasunut allanullu aatsitassanut ikummatissanullu inatsimmut imaluunniit erngup nukinga pillugu inatsimmut ilaasunut akiliuteqaaqqusisareerput. Sullivinnik Nakkutilliisoqarfiup nakkutilliineranut il.il. akiliutit pisinnaatitaasunut allanullu aatsitassanut

ikummatissanullu inatsit imaluunniit erngup nukinga pillugu inatsit malillugu akuersissuteqarfigineqartunut assigisaanik akileeqqusissuteqartoqarnissaa siunnersuutigineqarpoq.

Ataatsimut isigalugu tamanna isumaqarpoq, Sullivinik Nakkutilliisoqarfik nakkutilliinermut siunersuut malillugu pisinnaatitaasunut allanullu, aatsitassanut ikummatissanullu inatsit imaluunniit erngup nukinga pillugu inatsit malillugu akuersissutaateqartunut tulliuuttut pillugit akileeqqusissuteqarsinaassasoq:

1. Kalaallit Nunaanni aatsitassanik ikummatissanillu atorluaaneq kiisalu aatsitassanik ikummatissanillu Kalaallit Nunaannit annissuineq.
2. Nunap ataanik uninngatitsinermut imaluunniit aatsitassanik ikummatissanillu ingerlatat pillugit siunertanut atuineq.
3. Imermit, anorimit imaluunniit nunap ataanit nukissamik ingerlatanut inatsimmut ilaasunut atorluaaneq.
4. Ingerlatanut inatsimmut ilaasunut atugassanik ruujorinik pilersitsineq ingerlatsinerlu.
5. Imermit, anorimit imaluunniit nunap ataanit nukissamik ingerlatanut inatsimmut ilaasunut atorluaaneq.
6. Erngup nukinganik nukissamik tunisassiornermut atorluaaneq.

Nunaminertani, aatsitassanut ikummatissanullu inatsit imaluunniit erngup nukinga pillugu inatsit malillugu akuersissutinut ilaasuni Sullivinnik Nakkutilliisoqarfiup nakkutilliinermik sulineranut aningaasartuutit kisiisa pisinnaatitaasunit akileeqquneqarsinnaassapput. Taamaasilluni akuersissuteqarfigineqartup avataani sulineq, assersuutigalugu aqqusinniorneq umiarsualiviliornerluunniit, inatsisissatut siunnersuummut ilaassannigilaq.

Aatsitassanut ikummatissanullu inatsit malillugu atorluanaanissamut akuersissummik piumasaqaat ingerlatanut aalajangersimasunut, soorlu ujaraaqqanik, ujaqqanik assigisaannillu aqqusinniornermut sanaartornermullu atortussanik katersinermut piiaanermullu, Aatsitassanut Ikummatissanullu Aqutsisoqarfiup atuutsinngissinnaavaa. Sullivinnik Nakkutilliisoqarfik siunnersuut malillugu pisuni taamatut ittuni nakkutilliinermut akiliuteqaqqusisinnaannigilaq, akiliutinik akileeqqusinissamut aatsitassanut ikummatissanullu inatsit malillugu akuersissummik peqartoqarnissaa piumasaqaataammat.

Erngup nukinganik nukissiorfiit, erngup nukinga pillugu inatsisip 2009-meersup atuutilernera sioqqullugu akuersissutigineqartut, maleruagassat piffissami akuersissuteqarnerup nalaani atuuttut malillugit suli maleruagassaqartitaapput. Erngup nukinganik nukissiorfiit tulliuuttut pilersinneqarput nukissamik pilersuineq pillugu Inatsisartut peqqussutaat nr. 15, 6. november 1997-imeersoq malillugu, taamaattumillu aatsitassanut ikummatissanullu inatsimmut imaluunniit erngup nukinga pillugu inatsimmut ilaanatik:

- Tasiilami erngup nukinganik nukissiorfik, 1,2 MW, 2005-imi atorneqalersoq.
- Qorlortorsuarmi erngup nukinganik nukissiorfik, Narsamut Qaqortumullu pilersuisoq, 7,2 MW, 2009-mi atorneqalersoq.
- Sisimiuni erngup nukinganik nukissiorfik, 16,8 MW, 2010-mi atorneqalersoq.
- Paakitsumi erngup nukinganik nukissiorfik, Ilulissanut pilersuisoq, 22 MW, 2013-imi atorneqalersoq.

Erngup nukinganik nukissiorfiit, erngup nukinga pillugu inatsit imaluunniit aatsitassanut ikummatissanullu inatsit malillugu akuersissummik peqartut kisimik § 57 b-tut nutaatut siunnersuutigineqartumut ilaapput.

Utoqqarmiut Kangerluarsunnguani erngup nukinganik nukissiorfik Nuummur pilersuisoq eqqarsaatigalugu, aatsitassanut ikummatissanullu inatsit malillugu akuersissuteqartoqarpoq. Taamaattumik nukissiorfik § 57 b-tut nutaatut siunnersuutigineqartumut ilaavoq.

Erngup nukinganik nukissiorfiit tamarmik Nukissiorfinnit, Kalaallit Nunaanni Namminersorlutik Oqartussanut ilaasumit pigineqarput.

Kalaallit Nunaanni nunami il.il. paaanermik suliniutini suliasat tamarmik maannamutut ililluni suliarineqassapput Kalaallit Nunaanni sullivinni avatangiisinut maleruagasaat atuuttut malillugit.

Siunnersuut malillugu Sullivinnik Nakkutilliisoqarfiup nakkutilliinermut, oqartussatut suliarinninneranut aningaasartuutai, Nuummiit Nuummullu angalanernut, tuluttut kalaallisullu pinnagit pisariaqartitamik nutserinermut oqalutseqarnermullu kiisalu nerisaqarnermut najugaqarnermullu aningaasartuutai pisinnaatitaasup akilertussaavai. Sullivinni avatangiisit pillugit inatsit malillugu akisussaaffinnik pisussaaffinnillu siunnersuut manna allannguinnilaq. Tamanna isumaqarpoq sullivinni, Sullivinnik Nakkutilliisoqarfik sulisitsisunut, sanaartortitsisunut, suliniuteqartunut siunnersuisartunullu il.il. suli peqqusisinnaasoq il.il., sullivinnilu avatangiisinut maleruagassat malinneqanngippata tamanna pillaatissinissamut akisussaataaannermik kinguneqarsinnaalluni. Pisinnaatitaasoq sulisitsisuuppat imaluunniit sanaartortitsisuulluni, peqqusinerit il.il. pisinnaatitaasumut nassiunneqassapput.

Sullivinnik Nakkutilliisoqarfiup nakkutilliinermut oqartussatullu sulineranut aningaasartuutai aallaavigalugit akiliutit naatsorsorneqassapput. Piffissamut angalanermut nakkutilliartorlunilu tikeraarnermut atornerqartumut nalunaaquttap akunneranut akiliut akilerneqassaaq. Nakkutilliisut allallu nakkutilliinermut akuusut, inatsisilerituut, allaffissornikkut tapersersuisut aqutsisullu aningaasarsianut aningaasartuutit, allaffissornikkut aningaasartuutit missingernerisa agguaqatigiissinnerannik tapigaasut nalunaaquttap akunneranut akiliummut ilaapput. Aammattaaq nakkutilliartornerup pilersaarusiornera ingerlanneqarneralu, nakkutilliinerup malinnaaffigeqqinnera kiisalu sulisitsisunut sanaartortitsisunullu il.il. ataasiakkaanut peqqusinerit il.il. atatillugu sulianik suliarinninneq nalunaaquttap akunneranut akiliutinut ilaapput. Ilanngullugulu Sullivinnik Nakkutilliisoqarfiup aalajangiinerinut naammagittaalliuutigineqarsimasinnaasunik suliarinninnermut atatillugu sulianik suliarinninneq, kiisalu akiligassanik akileeqqusissutinillu nukingisaarutinik allagaqartarneq aamma ilaapput. Nakkutilliinermut akiliutit nalunaaquttap akunneranut inummur ataatsimut 1.050 aamma 1.150 kr.-it akornanniissasut naatsorsorallarneqarpoq (akit 2015-imeersut).

Nakkutilliisunut immikkut ittumik piginnaasanik ineriartortitsinermut aningaasartuutit ukiumut 50.000 kr.-it missaanniittussatut naatsorsuutigineqarallarpur. Nakkutilliisut aatsitassanik ikummatissanillu kiisalu erngup nukinganik ingerlatanik nakkutilliinermut immikkut ittumik ilisimasaqarnissaat pisariaqartinneqalerpat, aningaasartuutit aatsat ilanngullugit naatsorsorneqassapput. Sanaartornermik killiffimmi nakkutilliisunut immikkut ittumik piginnaasanik ineriartortitsinerup pisariaqartinnissaa aallaavittut naatsorsuutigineqanngilaq. Sullivinnik Nakkutilliisoqarfiup nakkutilliisunik nalinginnaasumik ilinniartitsisarneranut aningaasartuutit akiliutinut ilanngullugit naatsorsorneqassanngillat.

Nakkutilliinermut imm. 1 malillugu akiliut ataavartumik imatut naleqqussarneqartassaaq, aningaasartuutitut, Sullivinnik Nakkutilliisoqarfiup nakkutilliineranut oqartussatullu suliarinninneranut attuumassuteqartunut tamakkiisumik matussusiineq anguneqassalluni, taamaasilluni piffissami ukiunik sisamanik sivisussuseqartumi oqimaaqatigiissisinissaq anguniarneqassalluni.

Akiliinngittoqartillugu, kinguaattoorutininik akiliisitsiniarnermut oqartussat tamanna pillugu maleruagassat malillugit akiliutinik akiliisitsiniassapput, tak. pisortanut akiligassanik akiliisitsiniarneq pillugu inatsisitut nalunaarut nr. 29, 12. januar 2015-imeersoq, ilanngussaq 1, nr. 31.

Sullivinnik Nakkutilliisoqarfiup Nuummiit Nuummullu angalanernut, tuluttut kalaallisullu pinnagit pisariaqartitamik nutserinermut oqalutseqarnermullu kiisalu nerisanut najugaqarnermullu aningaasartuutivinnik akilersimasaminnik akileeqqusinissaq § 57 b, imm. 2 malillugu piumasarisinnaavaa. Angalanermut, nerisaqarnermut najugaqarnermullu neqeroorutit, pisinnaatitaasut allalluunniit Sullivinnik Nakkutilliisoqarfiup sulisuinut atugassiissutigisaat Sullivinnik Nakkutilliisoqarfimmit atorneqarpata, akileeqqusisoqarsinnaangilaq.

Kalaallit Nunaanni pissutsit immikkut ittuunerat mianeriniarlugu aalajangersagaq pisariaqartutut nalilerneqarpoq. Nunani allani suliffeqarfiit angisuut atorlugit sanaartornermik suliniutit aningisuut ingerlanneqarnissaat naatsorsuutigineqarpoq, Sullivinnik Nakkutilliisoqarfiup piffissani amerlasuuni sivisuunilu suliffinni avinngarusimasumiittuni najuunnissaa pisariaqartussaalluni, tamatumani illugiilluni oqaloqatiginnerit, peqqusinerit il.il. nutsertinnissaat pisariaqarsinnaavoq. Suliarnik suliarinninnermut Sullivinnik Nakkutilliisoqarfiup aningaasartuutaasa sinneri pillugit oqaatigineqassaaq, nakkutilliinermut atatillugu naammagittaalliuuteqartoqarsimappat, uppersaaititut allakkiat, Sullivinnik nakkutilliisoqarfiup naammagittaalliummik suliarinninneranut atugassaasa nutserneqarnerat oqalutsinut nutserinermullu aningaasartuutitut ilaassammat.

Angalanermut aningaasartuutit eqqarsaatigalugit, aatsitassanut ikummatissanullu inatsit imaluunniit erngup nukinga pillugu inatsit malillugu akuersissutinut, nunap immikkoortuini avinngarusimasuni angallannikkut tikikkuminaatsuni suliniutit ilaagajuttarput. Taamaattumik angalanermut aningaasartuutit nakkutilliartornermi aningaasartuutitut annertuumik ilaasinnapput. Taamaattoq Sullivinnik Nakkutilliisoqarfiup assersuutigalugu pisinnaatitaasumik imaluunniit aatsitassanut ikummatissanullu oqartussanik taamaattoqartillugu ataatsimoorluni angallanneqarneq atortassagaa naatsorsuutigineqarpoq.

Pisoqarsinaavorli Sullivinnik Nakkutilliisoqarfiup sulisuisa angallassissutinik allat atugassiissutigisaannik atuinissaasa naapertuutinngiffigisasaanik. Assersuutigalugu ajutoortoqarsimasinnaavoq, Sullivinnik Nakkutilliisoqarfiup ingerlaannaq misissorneqartussatut naliligaanik, taamaattumillu ataatsimoorluni angallanneqarnissa utaqqisinnaanagu.

Sullivinnik Nakkutilliisoqarfiup angalanermut aningaasartuutai Sullivinnik Nakkutilliisoqarfiup Nuummi najugaa aallaavigalugu naatsorsorneqartassapput, imaluunniit – Sullivinnik Nakkutilliisoqarfik nakkutilliiffimmit qaninnerusumi peqatigisaanik nakkutilliippat – piffimmit tassanngaanniit

naatsorsorneqassallutik.

Nakkutilliiartorneq ullunik arlalinnik sivissuseqarajussinnaassaaq, taamaattumik nerisaqarnermut najugaqarnermullu aamma aningaasartuuteqartoqartartussaavoq, taakkualu Sullivinnik Nakkutilliiisoqarfiup matussusertittussaavai. Taamaattoq Sullivinnik Nakkutilliiisoqarfik aatsitassanut ikummatissanullu oqartussat assigalugit nerisaqarnermik najugaqarnermillu neqeroorfigineqartartussaavoq, taamaasilluni Sullivinnik Nakkutilliiisoqarfik tamatumunnga aningaasartuuteqassanani.

Misissueqqaarnernut, ilisimatuussutsikkut misissuinernek kiisalu atorluaanissamut pilersaarutip Naalakkersuisunit akuereqarnissaata tungaanut misissueqqaarnernut akuersissuteqarnerup kinguneranik ingerlatanik nakkutilliinermut § 57 b, imm. 3-tut siunnersuut malillugu akiliuteqartoqartassanngilaq.

Aatsitassanut ikummatissanullu inatsimmi § 19-imi takuneqarsinnaavoq atorluaaneq iliuitsillu tamatumunnga siunertaqartut aallartinneqartinnagit, suliffeqarfinnut atorluaanissamut pilersaarut Naalakkersuisut akuersissutigissagaat, tunisassiornerup aqqissuunera tamatumunngalu sanaartukkat ilangullugit. Pissutsit allanngornerisa tamanna pisariaqartilerpassuk, pisinnaatitaasup pilersaarut allanngortitaq Naalakkersuisunit akuersissanngorlugi piaarnerpaamik nassiutissavaa.

Nakkutilliinermut oqartussatullu suliarinninnermut akiliutinik akileqqusineq kiisalu Sullivinnik Nakkutilliiisoqarfiup angalanernut, oqalutsimut, nutserinernut, najugaqarnermut nerisaqarnermullu aningaasartuutiviisa matussusernissaannut utertitsiffigitinneq pillugit maleruagassanik aalajangersaanissamut § 57 b, imm. 4-tut siunnersuut periarfissiivoq.

Aatsitassanik ikummatissanillu kiisalu erngup nukinganik ingerlatanik nakkutilliinermut Sullivinnik Nakkutilliiisoqarfiup aningaasartuutaanut akiliutit tamarmiusut – pineqanngitsussatut taaneqartut ilangunnagit – pisinnaatitaasumut imaluunniit allanut, aatsitassanut ikummatissanullu inatsit ialuunniit erngup nukinga pillugu inatsit malillugu akuersissutaateqartunut akileqquneqassapput.

Immikkoortoq 3.1-mi nalinginnaasumik oqaaseqaatit innersuussutigineqarput.

Nr. 8-mut

Suliasaqtitsinermut ministeri Kalaallit Nunaanni sullivinni avatangiisit pillugit inatsimmi § 58 malillugu sulisilluni ajoqusernerit, toqunartumik sunnertinnerit, inuussutissarsiornermit nappaatigilikkat pissutsillu allat sullivinni avatangiisinut pingaaruteqartut nalunaarutiginnissaannut pisussaaffik pillugu maleruagassanik aalajangersaasinnaavoq. Sulisilluni ajoqusernerit nalunaarutigineqarnissaat pillugu Kalaallit Nunaannut nalunaarut nr. 401, 24. juni 1986-imeersukkut pivinnaatitsissut piviusunngortinneqarpoq, taannalu malillugu sulisilluni ajoqusernerit aamma toqunartumik sunnertinnerit, kiisalu nappaatit sulinermit pissuteqartut, toqumik imaluunniit annertuumik ajoquteqalernermik kinguneqartut Kalaallit Nunaanni Sullivinnik

Nakutilliisoqarfimmut nalunaarutiginnissaannut sulisitsoq pisussaaffeqarpoq. Nakorsat kigutillu nakorsaat nalunaarut malillugu nappaatit sulinermit pissuteqartut ajoqutaasumillu sunnertinnerit assigisaat allat paasisamik pasitsaassamilluunniit nalunaarutiginnissaannut nalunaarut malillugu pisussaaffeqarput.

Kalaallit Nunaanni Sullivinnik Nakkutilliisoqarfiup nakkutilliinerminik ataavartumik tunaartaqartitsinissaa, tamatuminnigalu suliarinninnermini paasissutissanik attuumassuteqartunik, ilanngullugit sulisilluni ajoqusernerit pillugit paasissutissanik atuinnissaa qulakkeernissaa siunnersuummi siunertaavoq. Taamaasilluni suliffeqarfinni sullivinni avatangiisinik ajornartorsiuteqartoqarneranik takutitsisunik nassaarniarnermut atugassatut, aamma suliffeqarfinni sullivinni avatangiisit nakkutiginiarlugit paasissutissat pissarsiarineqartut katersornissaannut ataatsimoortunngortinnissaannullu aalajangersagaq periarfissaqartitsilerpoq.

Taamaattumik sulisilluni ajoqusernerit pillugit Kalaallit Nunaanni Sullivinnik Nakkutilliisoqarfiup nalunaaruteqarnermut periutsimiit paasissutissanik aamma sulisilluni ajoqusernerit inuussutissarsiornermillu nappaatigilikkat pillugit Arbejdsmarkedets Erhvervssikringip tunngaviumik paasissutissaataanik katersinissamut ataatsimoortunngortitsinissamullu sullivinni avatangiisit pillugit inatsimmi inatsisitigut tunngavissaqalernissaa siunnersuutigineqarpoq.

Kalaallit Nunaanni Sullivinnik Nakkutilliisoqarfiup maannamutut ililluni, sulisilluni ajoqusernerit il.il. pillugit paasissutissat Sullivinnik Nakkutilliisoqarfiup nakkutilliinerminik pilersaarusioneranut atorsinnaavai, Sullivinnik Nakkutilliisoqarfiup misissuisarnerata nakkutilliineratalu tunaartaqalersinnissaa ilanngullugu. Sullivinnik Nakkutilliisoqarfiup paasissutissat sullivinni avatangiisinik suliassaqarfimmi pitsaaliuinermik suliniutinut, nalilersueqqissaarnernut kiisalu naatsueqqissaarnermik siunertanut atorsinnaavai.

Nalunaaruteqartarnermut periutsip ilaatigut sulisilluni ajoqusernerit inuussutissarsiornermillu nappaatigilikkat, sullivinni avatangiisit pillugit inatsit aamma sulisilluni ajoqusersinnaanermut isumannaarineq pillugu inatsit malillugit nalunaarutiginnissaannut pisussaaffeqarfiusut, aamma sulisilluni ajoqusernerit inuussutissarsiornermillu nappaatigilikkat nalunaarsorneqartut tamarmiusut pillugit paasissutissanik imaqartut imarai.

Nalunaaruteqartarnermut periutsip aamma tunngaviumik paasissutissat ilaatigut inunnut ataasiakkaanut tunngatillugu sulisilluni ajoqusernerit pillugit paasissutissat imaraat, ajoqusertoq ajoqusernerlu, nalunaaruteqartoq suliffeqarfillu kiisalu suliffik ajutoornerlu pillugit paasissutissat ilanngullugit. Tamatuma saniatigut nalunaaruteqartarnermut periutsip tunngavisumillu paasissutissat inuussutissarsiornermit nappaatigilikkat pillugit paasissutissat imaraat ajoqusertoq, nappaatip suussusersinera nalunaaruteqartorlu pillugit paasissutissat ilanngullugit.

Immikkoortoq 3.5-mi nalinginnaasumik oqaaseqaatit innersuussutigineqarput.

§ 2-mut

Nr. 1

Kalaallit Nunaanni sulisilluni ajoqusersinnaanermut isumannaarinerineq pillugu inatsimmi § 35, imm. 1 malillugu sulisilluni ajoqusernerit aamma inuussutissarsiornermit nappaatigilikkat Kalaallit Nunaanni Arbejdsskadestyrelsimut nalunaarutiginnissaat pisussaaffiuvoq. Inatsimmi §§ 38 aamma 39 malillugit tamanna pillugu maleruagassat erseqqinnerusut suliassaqartitsinermit ministerip aalajangersarsinnaavai.

Sulisilluni ajoqusersinnaanermut isumannaarineq pillugu inatsimmi § 35 imm. 1 nakorsat kigutillu nakorsaasa Kalaallit Nunaanni sulisilluni ajoqusersinnaanermut isumannaarineq pillugu inatsit malillugu inuussutissarsiornermit nappaatigilikkat nalunaarutiginnissaannut pisussaaffiat pillugu nalunaarut nr. 1624, 21. december 2010-meersukkut aamma Kalaallit Nunaanni sulisilluni ajoqusersinnaanermut isumannaarineq pillugu inatsit malillugu sulisilluni ajoqusernerit nalunaarutiginnissaannut pisussaaffik pillugu nalunaarut nr. 1656 21. december 2010-meersukkut piviusunngortinneqarpoq.

Sulisilluni ajoqusernerna pineqarput sulisilluni ajutoornerit, inuussutissarsiornermit nappaatigilikkat, toqunartumik sunnertinnerit il.il.

Kalaallit Nunaanni Sullivinnik Nakkutilliisoqarfiup nakkutilliinerminik ataavartumik tunaartaqalersitsisarnissaata, tamatuminnгалu suliaqarnermini paasissutissanik attuumassuteqartunik tamanik, ilanngullugit sulisilluni ajoqusernerit pillugit paasissutissanik atuisarnissaata qulakkeernissaa siunnersuutikkut siunertaaavoq.

Taamaattumik Arbejdsskadestyrelsip Kalaallit Nunaanni Sulisilluni Ajoqusernertut Sullissiviata suliassaasa suliffeqarfimmut imminut pigisumut Arbejdsmarkedets Erhvervssikringimut nuunneqarnerisa kinguneranik, sulisilluni ajoqusernerit pillugit paasissutissanik Arbejdsmarkedets Erhvervssikringip Kalaallit Nunaanni Sullivinnik Nakkutilliisoqarfimmut ingerlatitseqqittarnissaa pillugu inatsisitigut pisussaaffiliisoqassasoq siunnersuutigineqarpoq.

Kalaallit Nunaanni Sullivinnik Nakkutilliisoqarfiup maannamutut ililluni paasissutissat Sullivinnik Nakkutilliisoqarfiup nakkutilliinerminik pilersarusiornermik suliaqarneranut atussavai, Sullivinnik Nakkutilliisoqarfiup misissuisarnerata nakkutilliineratalu tunaartaqalersinnissa ilanngullugu. Tamatuma saniatigut Sullivinnik Nakkutilliisoqarfiup paasissutissat sullivinnik avatangiisinik suliassaqarfimmi pitsaaliuinermik suliniutinut, nalilersueqqissaarnertut naatsorsueqqissaarnermillu siunertanut atorniarpai.

Nalunaaruteqartarnermut periuseq paasissutissanik arlaqartunik, ilaatigut sulisilluni ajutoornerit aamma inuussutissarsiornermit nappaatigilikkat sullivinni avatangiisit pillugit inatsit aamma sulisilluni ajutoorsinnaanermut isumannaarineq pillugu inatsit malillugit nalunaarutigineqartussatut pisussaaffeqarfiusunik imaqqarpoq, sulisillunilu ajutoornerit aamma inuussutissarsiornermit nappaatigilikkat nalunaarsorneqartut tamarmiusut pillugit paasissutissanik imaqqarluni.

Nalunaaruteqartarnermut periuseq aamma tunngaviusumik paasissutissat ilaatigut sulisilluni ajutoornerit inunnut ataasiakkaanut tunngasut pillugit paasissutissanik imaqarput, ajoqusertoq ajoqusernerlu, nalunaaruteqartoq suliffeqarfillu kiisalu suliffik ajutoornerlu pillugit paasissutissat ilanngullugit. Tamatuma saniatigut nalunaaruteqartarnermut periuseq aamma tunngaviusumik paasissutissat ajoqusertoq, nappaatip suussusersinera nalunaaruteqartorlu pillugit paasissutissanik imaqarput.

Immikkoortoq 3.5-mi nalinginnaasumik oqaaseqaatit innersuussutigineqarput.

§ 3-mut

Inatsit ulloq 1. juli 2017-imi atuutilissasoq siunnersuutigineqarpoq.

Ilanngussaq

Inatsisissatut siunnersuut inatsimmut atuuttumut naleqqiullugu

Oqaasertaliineq atuuttoq

Inatsisissatut siunnersuut

Kalaallit Nunaanni sullivinni avatangiisit pillugit inatsimmi, tak. inatsisitut nalunaarut nr. 1048, 26. oktober 2005-imeersoq, inatsit nr. 1382, 23. december 2012-imeersukkut allanngortinneqartumi, tuliuttut allannguutigitinneqassapput:

1. § 13-ip kingorna ilanngunneqassaaq:
”§ 13 a. Sakkortuumik pileriaannaasumillu aammalu pinngitsoorneqarsinnaanngitsumik aarlerinartorsiortoqarnerani sulisup suliffimminik qimatsinissaq pisinnaatitaaffigaa.

Imm. 2. Sulisup imminut atugassarititaasut ajorerulersinneqarnerannik nalaataqartitaassanngilaq, sulisup suliffini imaluunniit piffik ulorianartoq imm. 1 malillugu qimatsinera pissutigalugu.

Imm. 3. Sulisut, imm. 1 aamma 2 malillugit pisinnaatitaaffimminik unioqqutitsiffiusut, taarsiiffitinnissamut pisinnaatitaaffeqarput.”

2. § 39, imm. 1, nr. 4, imatut oqaasertalerneqassaaq:
”4) isumannaallisaaneq pillugu paasissutissat allattorsimaffii, teknikkikkut paasissutissat allattorsimaffii assigisaallu pilersuisuneersut kiisalu sullivinnik atuineq pillugu ilitersuutit sulisitsisuneersut.”

§ 39. Akuutissanik atortussanillu

3. § 39, imm. 4-mi, ”Sullivinni

Oqaasertaliineq atuuttoq

tunisassiorneq, uninngatitsineq, assartuineq
atuinerlu pillugit maleruagassanik
suliassaqartitsinermut ministeri
aalajangersaasinnaavoq, ilanngullugit ...

4) pilersuisunit sulisitsisunillu atuinerlut
ilitsersuutit.

Imm. 4. Akuutissanut atortussanullu
naliliussanut killiliussat Sullivinni
Nakkutilliisoqarfiup aalajangersassavai,
kiisalu akuutissat atortussallu ulorinartutut
isigineqartut, imaluunniit
isumannaallisaanermik peqqissutsimillu
ajornerulersitsisinnaasutut isigineqartut
allattorsimaffiat ilanngullugu.

Inatsisissatut siunnersuut

Nakutilliisoqarfiup aalajangersassavai”
allanngortinneqassaaq: ”Suliassaqartitsine
rmut ministerip
aalajangersassarsinnaavai”-nngorlugu.

4. § 39-mi *imm. 5* aamma *imm. 6*-itut
nutaatut ilanngunneqassapput:

”*Imm. 5.* Akuutissat imaluunniit atortussat,
isumannaallisaanermut peqqissutsimulluunniit
ulorianarsinnaasut, imaluunniit taakkuninnga
ajornerulersitsisinnaasut, akuutissanik
imaluunniit atortussanik uloriananngitsunik,
ulorianannginnerusunik imaluunniit
annikinnerusumik ajoqutaasunik
taarserneqarsinnaappata
atorneqaqqusaannginnerat pillugu
maleruagassanik suliassaqartitsinermut
ministeri aalajangersaasinnaavoq.

Imm. 6. Akuutissat atortussallu,
isumannaallisaanermut peqqissutsimillu
ulorianarsinnaasut, imaluunniit taakkuninnga
ajornerulersitsisinnaasut, Sullivinnik
Nakkutilliisoqarfik oqaaseqaateqartinnagu
imaluunniit akuersissuteqartinnagu siunertanut
aalajangersimasunut
atorneqaqqusaannginnerat pillugu
maleruagassanik suliassaqartitsinermut
ministeri aalajangersaasinnaavoq.”

5. § 49, *imm. 1*-imi ”Kalaallit Nunaanni
Namminersornerullutik Oqartussat”
allanngortinneqassaaq: ”Kalaallit
Nunaanni Namminersorlutik Oqartussat”-
nngorlugu.

§ 49. Suliffeqarfinnut, ilinniakkanut, ilinniakkani suliaasaqarfinnut imaluunniit sulisunut eqimattakkaanut, suliffiat sulisut peqqissusaannik aarlerinartorsiortitsinermik attuumassuteqarpat, suliaasaqartitsinermut ministeri Kalaallit Nunanni Namminersornerullutik Oqartussat suleqatigalugit ... pillugit maleruagassanik aalajangersaasinnaavoq...

§ 51. Sullivinni avatangiisinut siunnersuisoqatigiit siulittaasumik, suliffeqarnermut atatillugu illuatungeriit oqaaseqartinnerisa kingorna Naalakkersuisunit toqqagaasumik kiisalu ilaasortanik allanik tulliuuttunik ilaasortaqqarpoq:

1) ilaasortat marluk Sulinermik Inuussutissarsiuteqartut Kattuffiannit (SIK-

6. § 51, imm. 1, nr. 2-mi ”Perorsaasut Ilinniarsimasut Peqatigiiffiannit (PIP)” allanngortinneqassaaq: ”Nunatsinni Perorsaasut Kattuffiannit (N.P.K.)”-nngorlugu”.

7. § 57 a-p kingorna ilanngunneqassaaq: ”§ 57 b. Aatsitassat pillugit ingerlatallu tamatumunnga pingaarutillit pillugit Inatsisartut inatsisaat imaluunniit erngup nukingata innaallagssiornermut atorneqartarnera pillugu Inatsisartut inatsisaat malillugit pisinnaatitaasut, allallu akuersissutaateqartut, akiliummik akiliuteqartarnissaat pillugu maleruagassanik suliaasaqartitsinermut ministeri aalajangersaasinnaavoq. Sullifinnik Nakkutilliisoqarfiup nakkutilliinermi kiisalu akuersissuteqarfiusup iluani ingerlatat pillugit oqartussatut sullissinermi aningaasartuutai akiliutitigut matussuserneqassapput, taamaattoq tak. imm. 3.

Imm. 2. Sullivinnik Nakkutilliisoqarfiup nakkutilliinermut atatillugu angalanernut, oqalutsimut, nutserinermut kiisalu nerisanut najugaqarnermullu aningaasartuutaat pisinnaatitaasut allallu, imm. 1-imut ilaasut akilissavaat.

Imm. 3. Misissueqqaarnernut, ilisimatuussutsikkut misissuinernut kiisalu atorluaanissamut pilersaarut Naalakkersuisunit akuerineqartoq tikillugu misissueqqaarnernut imm. 1 aamma 2

Oqaasertaliineq atuuttoq

mit) toqqagaasut.

2) ilaasortaq ataaseq Perorsaasut
Ilinniarsimasut Peqatigiiffiannit (PIP),
Peqqissaasut Kattuffiannit (PK) kiisalu
Ilinniartitsisut Meeqqat Atuarfiannersunit
(IMAK) ataatsimoorluni toqqagaasoq...

Inatsisissatut siunnersuut

malillugit nakkutilliinermut
akiliuteqarnissamut piumasaqaat
atuutinngilaq.

Imm.4. Imm. 2 malillugu akiliutinik
akileeqqusineq pillugu maleruagassanik
suliassaqartitsinermut ministeri
aalajangersaasinnaavoq.”

8. § 58-ip kingorna ilanngunneqassaaq:

”§ 58 a. Sulisilluni ajoqusernerit
nalunaarutiginerannut nalunaaruteqartarfimmi
paasissutissat aamma sulisilluni ajutoornerit
inuussutissarsiornermillu nappaatigilikkat
pillugit Arbejdsmarkedets Erhvervssikringip
paasissutissatigut tunngavii Sullivinnik
Nakkutilliisoqarfiup pisariaqartillugu
katersorsinnaavai ataatsimoortillugillu.
Sullivinnik Nakkutilliisoqarfiup
nakkutilliinerata misissuisarneratalu
siunnerfilernissaanut atugassatut suliffeqarfiit
kinaassusersinissaannut nakkutilliinissaq
nalunaarsukkallu ataatsimoortinnissaat
siunertaralugu paasissutissat
katersorneqassapput. Aammattaq
nalilersueqqissaarnermut pitsaaliuinernullu
siunertanut kiisalu naatsorsueqqissaarnermik
siunertanut suliarinninnermut
nalunaarsukkallu ataatsimoortinnerannut
paasissutissat katersorneqassapput.”

§ 2

Kalaallit Nunaanni sulisilluni
ajoqusersinnaanermut isumannaarineq pillugu
inatsit nr. 1528, 21. december 2010-meersumi,
inatsit nr. 1568, 15. december 2015-
imeersukkut aamma inatsit nr. 627. 8. juni
2016-imeersukkut allanngortinneqartumi,
tulliuttut allannguutigineqassapput:

1. § 42-p kingorna ilanngunneqassaaq:

”§ 42 a. Arbejdsmarkedets Erhvervssikringip sulisilluni ajoqusernerit nalunaarutiginnissaannut nalunaaruteqartarfimmi paasissutissat kiisalu sulisilluni ajoqusernerit inuussutissarsiuutinillu nappaatigilikkat pillugit tunngaviusumik paasissutissat pisariaqartinneqartut Sullivinnik Nakkutilliisoqarfimmut tunniutissavai. Sullivinnik Nakkutilliisoqarfiup nakkutilliinerata misissuisarneratalu siunnerfilernissaanut atugassatut suliffeqarfiit kinaassusersinissaannut nakkutilliinissaq nalunaarsukkallu ataatsimoortinnissaat siunertaralugu paasissutissat katersorneqassapput. Aammattaaq nalilersueqqissaarnermut pitsaaliuinnermullu siunertanut kiisalu naatsorsueqqissaarnermik siunertanut suliarinninnermut nalunaarsukkallu ataatsimoortinnerannut paasissutissat katersorneqassapput.”

§ 3

Inatsit ulloq 1. marts 2017 atuutilissaaq.